


文獻通考

二百廿七之四十一

八十三
經籍


別集 宋



內閣文庫			
五	二		漢
五	四		
函	一		
	二		
九	〇		書
架	冊	號	類

內閣文庫			
二	二		漢
九	四		
函	一		
	二		
四	〇		書
架	冊	號	類

內閣文庫			
番號	漢	2430	
冊數	120 (84)		
函號	294	3	



文獻通考卷二百三十七

鄱陽 馬端臨 貴與 著

經籍考

集

張文潛柯山集一百卷

晁氏曰。張耒字文潛。譙郡人。仕至起居舍人。嘗為

宣潤汝穎兗五州守。又嘗謫居黃州復州。最後居




陳以沒。元祐中。蘇氏兄弟以文章倡天下。號長公

少公。其門人號四學士。文潛少公客也。諸人多早

沒。文潛獨後亾。故詩文傳於世者尤多。其於詩文

文獻通考

卷二百三十七



兼長。雖同時鮮復其比。而晚年更喜白樂天詩體。多效之云。

石林葉氏集序曰。元祐間。天下論文多曰晁張。晁余伯舅無咎。而張則文潛也。文潛之文。殆所謂若將爲之而不見其爲者歟。雍容而不迫。紆裕而有餘。初若不甚經意。至於觸物遇變。起伏歛縱。姿度百出。意有推之不得不前。鼓之不得不作者。而卒澹然而平。盎然而和。終不得窺其際也。君與秦少游同學於翰林。蘇子瞻以爲秦得吾工。張得吾易。而世謂工可致。易不可致。以君爲難云。又曰。

無咎雄健峻拔。筆力欲挽千鈞。文潛容衍靖深。獨若不得已於書者。二公各以所長名家。

秦少游淮海集三十卷

晁氏曰。秦觀字少游。高郵人。登進士第。元祐初。除校勘黃本書籍。紹聖中。除名。編隸橫州。遇赦北歸。至藤州卒。蘇子瞻嘗謂李廌曰。少游之文。如美玉無瑕。又琢磨之功。殆未有出其右者。王介甫謂其詩新精婉麗。鮑謝似之。少游亦自言其文。銖兩不差。但以華麗爲愧耳。呂氏童蒙訓謂少游過嶺後。詩嚴重高古。自成一家。與舊作不同。

文潛張氏曰。予見少游投卷多矣。黃樓賦。哀鐘。鍾文。卷卷有之。豈其得意之文歟。少游平生爲文甚多。而一一精好可傳。

玉山汪氏曰。居仁呂公云。秦少游應制科。問東坡文字科紐。坡云。但如公上呂申公書足矣。故少游五十篇。只用一格。前輩如黃魯直。陳無已。皆極口稱道之。後來讀書。初不知其爲奇也。呂文所取者。蓋以文章之工。固不待言。而尤可爲後人模楷者。蓋篇篇皆有首尾。無一字亂說。如人相見接引。應對茶湯之類。自有次序。不可或先或後也。

李才叔師友談記。少游言邢和叔嘗曰。文銖兩不差。非秤上秤來。乃等子上等來也。某曰。人人文章。闊達者失之太疎。謹嚴者失之太弱。少游之文。詞雖華。而氣古事儻。而意高如鍾鼎。然其體質規模。質重而簡易。其刻畫篆文。則後之鑄師莫彷彿。宜乎東坡稱之爲天下奇作也。非過言矣。少游論賦。至悉。曲盡其妙。蓋少時用心於賦。其勤而專。常記前人所作一二篇。至今不忘也。

陳無已后山集二十卷

晁氏曰。陳師道無已。彭城人。少以文謁曾南豐。南

豐一見奇之。許其必以文著。元祐中。侍從合薦于朝。起爲太學博士。紹聖初。以進非科舉而罷。建中靖國初。入秘書爲正字。以卒。爲文至多。少不中意。則焚之。

石林葉氏曰。世言陳無已每登覽得句。卽急歸臥一榻。以被蒙首。謂之吟榻。家人知之。卽猫犬皆逐去。嬰兒稚子。亦皆抱持寄隣家。徐待其起。就筆硯。卽詩已成。乃敢復常。蓋其用意專。不欲聞人聲。恐亂其思。故詩中亦時時自有言吟榻者。天下絕藝。信未有不精而能工者也。

朱子語錄曰。陳后山文有法度。如黃樓銘出。當時諸公皆歛衽便。是今人都無他仰揚頓挫。如仁宗飛白書記。大段好。曲折甚多。過得好。墓誌亦好。有典有則。方是文字。其他文亦有太局促不好者。后山文字簡潔。極有法度。做許多碎句子。是學中記。劉夷叔曰。陳無已作文最苦。要是晁張諸人所不及。恨其稍儉急。非謂文字簡勁爲儉急。其詞氣自儉急耳。韓退之文字。多少自然雄渾。復齋謾錄曰。子瞻子由門下客。最知名者。黃魯直。張文潛。晁無咎。秦少游。世謂之四學士。至若陳無

已文行雖高。以晚出東坡門。故不及四人之著。故無已作佛指記云。余以詞義名次四君。而貧於一代是也。而無咎詩云。黃子似淵明。城市亦復真。陳君有道舉。化行鄉井淳。張侯公瑾流。英思春泉新。高才更難及。淮海一髯秦。當時以東坡爲長公子。由爲少公。無已荅李端叔書云。蘇公門下有客四人。黃魯直。秦少游。晁無咎。則長公之客也。張文潛則次公之客也。又次韻黃樓詩云。一代蘇長公。四海名未已。又云。少公作長句。班馬安得擬。謂二蘇也。然四客皆有所長。魯直長於詩。辭。秦晁長於議

論。魯直與秦觀書曰。庭堅心醉於詩。與楚辭似若有得。至於議論文字。今日乃當付之少游及晁張無已。足下可從此四君子。一一問之。其後文潛贈李德載詩。亦云。長公波濤萬頃海。少公峭拔千尋麓。黃郎蕭蕭日下鶴。陳子峭峭霜中竹。秦文倩麗紆桃李。晁論崢嶸走珠玉。乃知人才各有所長。雖蘇門不能兼全也。

陳氏曰。后山集十四卷。外集六卷。談叢六卷。理究一卷。詩話一卷。長短句二卷。師道一字履常蜀本。但有詩文合二十卷。按魏衍作集記云。離詩爲六

卷類文爲十四卷。今蜀本正如此。又言受其所遺
甲乙丙稿詩曰五七。文曰千百。今四明本如此。此
本劉孝遘刊於臨川。云未見。魏全仍其舊十四卷
爲止集。蓋不知其所謂十四卷者。止有文而詩不
與也。外集詩二百餘篇。文三篇。皆正集所無。談叢
詩話。或謂非石山作。石山者。其自號也。

李方叔
濟南集二十卷

陳氏曰。鄉貢進士華山李馬方叔。撰又號月巖集。
東坡知貢舉。得試卷以爲方叔也。置之首選。已而
不然。賦詩有平生謾說古戰場。過眼還迷日五色

之句。後竟不第。

李方叔集四十五卷

後村劉氏曰。李格非字文叔。濟南人。詩文四十五
卷。文高雅條鬯有義味。在晁秦之上。詩稍不逮。元
祐未爲博士。紹聖始爲禮部郎。有挽蔡相確詩云
丙吉勲勞猶未報。衛公精爽僅能歸。豈蔡嘗薦引
之乎。挽魯直五言八句。首云。魯直今已矣。平生作
小詩。下六句。亦無褒辭。文叔與蘇門諸人尤厚。其
沒也。文潛誌其墓。獨於山谷在日。以詩往還。而此
詞如此。良不可曉。其過臨淄絕句云。擊鼓吹竽七

百年臨淄城闕尚依然。如今只有耕耘者。曾得當時九府錢。試院五言云。斗暄成小疾。亦足敗吾勤。定是朱衣吏。乘時欲舞文。亦佳作。文叔李易安父也。文潛誌言長女能詩。嫁趙明誠。又曰。李文叔筆勢略與淇水相頡頏。

畢公叔西臺集五十卷

晁氏曰。畢仲游字公叔。蚤登進士第。元祐中。召天下文學之士十三人。策試翰林院。蘇子瞻以公叔爲第一。除集賢校理。又表自代云。學貫經史。才通世務。文章精麗。議論有餘。自臺郎爲憲。漕。綽有能聲。後入黨籍。終於西京。留臺集。陳叔易爲之序。

何博士備論四卷

陳氏曰。武學博士。浦城何去非。正通撰。去非以累舉對策稱旨。授左班殿直。教授武學。後以東坡薦授承奉郎。司農寺理通判。廬州。有文集二十卷。未見。

廖明略竹林集三卷

晁氏曰。廖正一。字明略。元祐中。召試館職。蘇子瞻在翰林。見其所對策。大奇之。俄除正字。時黃秦晁張皆子瞻門下士。號四學士。子瞻待之厚。每來必

命侍妾朝雲。取密雲龍家人。以此知之。一日又命取密雲龍家人。謂是四學士窺之。乃明略來謝也。紹聖間。明略貶信州玉山監稅鬱鬱不得志。喪明而沒。自號竹林居士。

石林葉氏集序略曰。明略嘗言吾深服左氏而樂道。范曄之秀正溫釋。曄嘗自敘其書。以爲但多公家之言。而少事外遠致。吾所恨亦云。丘明不可及也。異時有寘吾於曄伯仲之間。吾尚無愧。往有評吾文似尹師魯者。吾雖不學師魯。然意善其言。是時余見明略文。固多知其所自道。不誣也。明略自

爲舉子時。卽不訟襲場屋一語。再舉而取進士。其所試傑然已。若可以名世者。至今爲學者推重。蓋其用志深苦。而思致精慤。淵源所從來者遠矣。每一出語。輒有區域町畦。未有卒然而作者。至於出入經傳。驅駕前言。左指右摘。比次回曲。他人咀嚼。枵杌終不能安者。明略繩約隱括。如以利刀摧朽木。尺箠呵羣羊。無不如意。故其曲與簡潔。音節遒峻。精新煥發。使人讀之。不覺矍然增氣。惜其早困。不得盡用所長。始元祐初。天下所推文章。黃張晁秦號四學士。明略同直三館。軒輊諸公間。無所貶

屈欲自成一家。然其流落不偶。略相似云。
那敦夫呻吟集一卷

晁氏曰。那居實字敦夫。和叔之子也。年十四。賦明君引。蘇子瞻見而稱之。由是知名。未幾。和叔貶隨州。敦夫侍行。病羸嘔血。一日有鈴下老卒驕慢。應對不遜。敦夫怒而擊之。無何卒死。和叔怒。以敦夫屬吏。以故疾日侵而天。故黃魯直爲之挽云。眼看白壁埋黃壤。何況人間父子情。蓋隱之也。集後有子瞻魯直無咎諸公跋。

陳氏曰。幼有俊才。名聲絕甚。一時前輩皆愛之。年十九而卒。宣仁之誣謫。忍爲之也。居實未死。或能當不義而爭萬一。有補於世道。是以諸賢尤痛惜焉。是以道追爲其墓表。尤反復致意。

山谷黃氏序。陽夏謝師復景回。年二十。文章不類少年書生語言。嘗序其遺稿云。方行萬里。出門而車軸折。可謂霽涕。今觀那敦夫詩賦。筆墨山立。自爲一家。甚似吾師復也。秀而不實。念之令人心折。東坡蘇氏跋。敦夫自爲童子。所與交者。皆諸公長者。其志豈獨以文稱而已哉。百不一見。遂與草木俱腐。故魯直無咎諸人哭之。皆過期而哀。江南李

秦伯自述其文云。天將壽我。歟所爲固未足也。不然斯亦足藉手以見古人矣。吾於敦夫亦云。

王子立文集

主適子立撰。穎濱蘇子由之壻也。穎濱序略曰。適從予爲學。長於詩騷。予自南都謫居江南。凡六年而歸。未嘗一日不相從也。旣與予同憂患。至於涵詠圖史。馳鶩浮圖老子之說。亦未嘗不同之。故其聞道益深。爲文益高。而予觀之益久。蓋其於兄弟。妻子嚴而有恩。和而有禮。未嘗有過。故予嘗曰。子非獨余親戚。亦朋友也。

姑溪集五十卷。後集二十卷

陳氏曰。朝請大夫。趙郡李之儀。端叔撰。嘗從東坡辟中山幕府。後代范忠宣作遺表。爲世傳誦。然坐是得罪。編置當塗。遂居焉。其弟之純。官至尚書。

大名集四十卷

陳氏曰。簽書樞密魏郡王巖叟。彥霖撰。韓魏公客也。

錢塘韋先生集十八卷

陳氏曰。主客郎中。錢塘韋驥子駿撰。皇祐五年進士。元祐中。以近臣薦。爲監司。數路知明州。以左朝。

議大夫致仕。崇寧中乃卒。少以詞賦有聲場屋。王荆公喜其借箸賦。頗稱道之。陳師錫誌墓。強祠部集四十卷。

陳氏曰。三司戶部判官。餘杭強。至幾聖撰。亦韓魏公客也。在幕府表章書記。多出其手。曾南豐作集序。稱其文備古今體。兼人所長云。

南豐曾氏序略曰。幾聖工爲詩。語出驚人。最爲韓魏公所知。魏公喜爲詩。每合屬賢士大夫賓客與游。多賦詩以自見。其屬而和之者。幾聖獨思致逸發。若不可追躡。魏公未嘗不嘆其得之晚也。其任

幕府。魏公每上奏天子。以歲時慶賀問候。及爲書記。四方之所好。幾聖爲屬稿草。必聲比字屬曲當。繩墨然。氣質渾渾。不見刻畫。遠近多稱誦之。及爲他文。若誌銘序記策問學士大夫。則簡古而不少貶。以就俗。其所長兼人如此。

唐子西集十卷

晁氏曰。唐唐。字子西。眉山人。登進士第。早受知於張天覺。天覺爲相。擢京畿提舉常平。且欲用爲諫官。天覺去位。後言者謂子西常宣言有一網打盡之語。貶惠州。大觀五年。會赦北歸。

文獻通考 卷三百三十七 十一
陳氏曰。張商英拜相。子西作內前行。坐貶惠州。歸蜀而卒。其文長於議論。所著名治。存舊。正友。議賞諸論。皆精確。

薦湖李氏曰。唐子西文采風流。人謂爲小東坡。

劉夷叔曰。唐子西善學東坡。量力從事。雖少自成一家。其詩工於屬對。緣此遂無古意。然其品在少游上。

後村劉氏曰。子西諸文皆高。不獨詩也。其出稍晚。使及坡門。當不在秦晁之下。

竹溪林氏曰。唐子西學東坡者也。得其氣骨而未盡其變態之妙。間有直致處。然無一點塵俗。亦佳作也。

馬子才集八卷

陳氏曰。鎮南節度推官。鄱陽馬存。子才撰。元祐三年。進士第四人。

研軒程氏曰。子才文波瀾雄壯。英毅有奇氣。不可繫維。且徐節孝。蘇文忠。許可最厚。淵源有所自矣。或疑其過於豪放。故宦業不甚顯。以沒。是未免以成敗論也。方新學盛行。士皆以穿鑿。惟誕相高。子才自上庠。奉大對。首闢災異曲說。歸諸人事。全論

外患則略西南而獨斥北方。淵然有爲國經久意。不溺時好。卓卓如此。既沒之後。川黨議起。蘓黃文字。焚毀無遺。而子才亦在指揮中。故世罕傳。傳復訛舛。近得其族黨所儲善本。參以板行者。精加正。是釐爲十一卷。凡爲策二。策題四。時論三。史論二。十二古詩。四十六律詩。五十絕句。八十四記。十一序。八書。四啓。七文。疏八。雜著四。誌銘十三。又爲年譜。列於墓碣之次。以詳其出處。大率得之傳聞。雖未保其無謬。其於尊慕師匠。則深有意焉。既成。有示以舊刊進策十六卷。似非本真。故不敢附著云。

先公曰。子才諸史論。如論晉人以父母之邦。委之於羣胡。殘暴戮辱。百餘年間。無有奮發以生吾中國之氣。又安得有奇士哉。又論後魏謂中國。以禮義文綵之腴。而飼禽獸之饑。此之謂不幸。非吾一人可與之爭。古之善戰者。能用天下之氣而已矣。嗚呼。安得此語。聞於淡紹中天之初乎。子才從節孝徐先生游且久。其文章雄直。雅似節孝。今取徐集中所贈三詩。係家集後。并書其說云。

斜川集十卷

陳氏曰。通直郎蘇過。叔黨。撰世號小坡。坐黨家不

得仕進。終於通判中山府。晁以道誌墓。稱其純孝。給事中嶠其孫也。

九峰集四十卷

陳氏曰。太常少卿。眉山蘇元老。在廷撰。東坡從孫也。坡在海上。嘗有書往來。其罷奉常歸。穎昌正坐。元祐邪等。未幾。遂卒。年四十七。

清真集二十四卷

陳氏曰。徽猷閣侍制。錢塘周邦彥。美成撰。元豐七年。進汴都賦。自諸生爲太學正。邦彥博文多能。尤長於長短句。自度曲。其提舉大晟府。亦由此旣盛行於世。而他文未傳。嘉泰中。四明樓鑰始爲之序。而太守陳杞刊之。蓋其子孫家居于明故也。汴都賦已載文鑑。世傳賦初奏御。詔李清臣讀之。多古文奇字。清臣誦之。如素所習熟者。乃以偏傍取之。爾。鑰爲音釋。附之。卷尾。

清真雜著三卷

陳氏曰。邦彥嘗爲溧水令。故邑有詞集。其後有好事者。取其在邑所作文記詩歌。并刻之。

寶音集十四卷

陳氏曰。禮部員外郎。襄陽米芾。元章撰。其母闍氏。

與軍仁在藩時有舊。故以后恩補試銜入仕。其上世皆武官。蓋國初勲臣米信之後也。視芾爲五世孫。酷嗜古法書。家藏二王真跡。故號寶晉齋。

玉池集十二卷

陳氏曰。考功郎湘陰鄧忠臣。慎思撰。熙寧三年進士。坐元符黨廢不用。言者論其議范忠宣謚過實。又坐罰銅。崇觀間卒。平生著述至多。嘗和杜詩全帙。又嘗獻郊祀慶成賦。又原廟詩百韻。裕陵喜之。擢爲館職。今皆軼弗傳。所存一二而已。玉池其所居山峰名。

樂靜集三十卷

陳氏曰。起居舍人鉅野李昭。元豐二年甲科。所居有樂靜堂。故以名集。其姪邴漢老爲書其後。

雲龕李氏曰。序略曰。東坡罷徐守時。伯父以書抵之。坡答書歷道黃張晁秦數公。且曰。此數子者。挾其有餘之姿。而驚無涯之知。必極其所如往而後已。則此安所歸宿哉。惟明者。念有以反之。其意蓋以彼爲不然。而勉其有所至也。惟伯父性誠乎忠厚。故其爲文。橫鶩別驅。曲折演迤。而一貫于理。有

萬折必東之勢。志樂于靖退。故其爲文。峯然其立。淵然其止。不侈衆目。而風神自遠。有久幽而不改。其操之美。學博而思精。故其爲牋奏應用之作。傳古切今。琢削穩密。不傷天骨。敘事外自爲文章。才贍而意新。故其爲詩。奇麗愜適。章斷句絕。餘思羨溢。得詩人味外之味。此其大略也。

陳瑩中了齋集三十卷

晁氏曰。陳瑾字瑩中。延平人。建中靖國初。爲右司諫。嘗移書責曾布。及言蔡京及弟卞之姦惡。章疏十上。除名編隸。合浦以死。靖康中。贈諫議大夫。自

號了翁

陳氏曰。汪應辰爲集序。以爲出死力攻權姦者。天下一人而已。非虛語也。又有約論十七卷。起戰國至後漢安帝。蓋讀通鑑。隨事有所發明也。

陳司諫集兩卷

晁氏曰。陳祐字純益。仙井監人。登進士第。建中靖國初。爲臺諫。與龔夬。任伯雨。江公望。協力彈擊。紹聖姦臣。後蔡京用事。廢斥而沒。

節孝集二十卷

陳氏曰。楚州教授。山陽徐積。仲車撰。治平四年進

士以耳曠不能仕。事母極孝。行義純篤。古所謂卓
行也。東坡謂其詩文怪而放如玉川子。政和中。賜
謚節孝處士。

學易集二十卷

陳氏曰。朝奉郎。東光劉跂。斯立撰。忠肅公摯之長
子也。與其弟蹈。同登元豐二年進士第。元祐初。以
其父在言路。政府不得用。紹聖以後。復坐黨家。連
蹇終其身。晁景迂志其墓。比孫明復。石守道之徒。
爲文無所不長。宣防宮賦。學易堂記。世傳誦之。

甲承君集三卷

陳氏曰。大宗正丞。陽翟田晝。承君撰。晝。樞密況之
姪也。與鄒道鄉善。鄒之貶。晝曰。願母以此舉自滿。
士所當爲者。未止此也。

道鄉集四十卷

陳氏曰。吏部侍郎。晉陵鄒浩。志完撰。浩既諫立劉
后坐貶。徽宗初。召還。對上首及之。獎嘆再三。問諫
草安在。曰。焚之矣。退告陳瓘。瓘曰。召異始此乎。異
時姦臣妄出一緘。則不可辯矣。蔡京素忌之。使其
黨作僞疏。言劉后殺卓氏而奪其子。遂得罪。其在
昭州。作青詞告上帝。有追省當時奏御之三章。初

無殺母取子之一字云

娑娑集三十卷

陳氏曰。右正言。陽翟崔鷗。德符撰。鷗坐元符上書。邪等廢於家。治圃號娑娑。靖康初。召爲諫官。力論馮澣之罪。忽得孿疾。不能行而卒。無子。其壻衛昂。哀輯其遺文。

晁氏曰。鷗元符末上書。入邪等廢斥幾三十年。其爲文最長於詩。清婉敷腴。有唐人風。

劉巨濟前溪集五卷

晁氏曰。劉涇。字巨濟。蜀人。終於太學博士。爲文奇

怪

李元應跨黿集五十卷

晁氏曰。李新字元應。仙井監人。早登進士第。劉涇嘗薦于蘇子瞻。令賦墨竹。口占一絕立就。坐元符末上書奪官。謫置遂州流落。終身跨黿。仙井山之也。

滿氏昌色集二十卷

晁氏曰。滿中行。字思復。登進士第。元豐中。爲太學官。虜蕃獄起。思復獨不結吏議。詔褒之。

馮允南集十卷

晁氏曰。馮山。字允南。普州人。鄧綰爲中丞。薦爲臺官。允南力辭不就。士論稱之。

潘水集四十卷

陳氏曰。集英殿修撰。長安李復履中撰。元豐二年。進士。博學有氣節。其爲熙河漕。有旨造戰艦戰車。復奏議者之謬。以爲兒戲。遂罷其議。時論避之。

晁氏景迂集十二卷

晁氏曰。從父詹事公也。諱某。字以道。文元公玄孫。少慕司馬溫公爲人。自號景迂生。年未三十。蘇子瞻以著述科薦之。元符中。上書居邪中等。博極羣

書。通六經。尤精於易。傳邵堯天之學。著太極傳。縉紳高其節行。嘗守成州。時民訴歲旱。公以爲十分益蠲其稅。轉運使大怒。督責甚峻。因丐老而歸。靖康初。以著作郎召遷秘書監。免試除中書舍人兼太子詹事。俄以論不合去國。建炎初。終於徽猷閣待制。

晁氏曰。徽猷閣待制。晁說之。以道撰。又本止刊前十卷。說之平生著述至多。兵火散逸。其孫子健哀其遺文。得十二卷。續廣之爲二十卷。別本刊前十卷而止者。不知何說也。劉跂斯立墓誌。景迂所撰。

見學易集後。而此集無之。計其逸者多矣。說之元豐五年進士。元祐初。蘇文忠。范太史。曾文昭皆薦之。坐元祐邪等廢棄。靖康末始爲從官。

晁氏崇福集三十五卷。四六集十五卷。

晁氏曰。從父崇福公也。登進士第。又中宏詞第一。元符末。上書居邪等廢斥。二十年。以朝請郎奉祠崇福宮而終。故以名集。天才英特。爲文章立成。明潤密緻。世以爲宜在北門西掖云。

陳氏曰。朝請郎晁詠之。之道撰。景迂弟也。爲作集序詠之。初以蔭爲揚州法曹。東坡守揚。族兄無咎爲侔。以其文呈東坡。及至揚詠之。具叅軍禮趨謁。坡走下庭。携手以上。謂坐客曰。此奇才也。

晁氏封丘集二十卷

晁氏曰。世父封丘府君諱字伯宇。鑠廳中進士第。黃魯直嘗薦之於蘇子瞻。云晁伯宇謹厚守文。先家法從游多長者。其文已能如此。年蓋未二十也。願一語教戒之。子瞻荅云。晁伯宇詩騷細看甚奇麗。信乎其家多異材也。雖然。凡文至足之餘。溢爲奇偉。今晁文涉奇似太早。可作朋友切磋之語以告之。非謂其諱也。恐傷其邁往之氣耳。後坎壈

終身卒。官封丘丞。

陶山集二十卷

陳氏曰。尚書左丞。山陰陸佃農師撰。

東堂集六卷。詩四卷。畫簡二卷。樂府二卷。

陳氏曰。祠部郎江山毛滂。澤民撰。滂爲杭州法曹。以樂府詞有佳句。受知於東坡。遂有名。嘗知武康縣。縣有東堂集。所以名也。又嘗知秀州。修月波樓爲之記。其詩文視樂府頗不逮。

溪堂集二十卷

陳氏曰。臨川謝逸。無逸撰。

竹友集十卷

陳氏曰。臨川謝邁。幼樂撰。邁從弟也。居居仁題其後曰。邁詩似康樂。邁詩似玄暉。

浮沚先生集十六卷。後集三卷。

陳氏曰。秘書省正字。永嘉周行己。恭叔撰。十七入太學。有盛名。師事程伊川。元祐六年進士。爲博士。太學。以親老歸。教授其鄉。再入爲館職。復出作縣。永嘉學問所從出也。鄉人至今稱博士。集序林鉞撰。先祖妣先生之第三女。先君之所自出。故知其本末。所居謝池坊。有浮沚書院。

文獻通考 卷二百三十七
摘林集十六卷。後集十五卷。

陳氏曰。密州教授石忞。敏若撰。崇寧壬午。以同進士出身。中詞科。其文彫琢怪奇。殊乏醞藉。壓卷策問。言王金陵配享先聖事。謂其以百聖芻豢。甘四海口。以六經河漢。洗四海心。以九達夷路。破四海還。以萬金良藥。起四海病。讀之不覺大笑。其人與文皆不足道也。集僅二冊。而卷數如此。麻沙坊本。往往皆然。以類書遺書以之耳。
淡刺尹曰。調川稿。盡心樂與。與對策也。呂岳二賦。其什文集十卷。川詩。迥無遺恨。

文獻通考卷二百三十八

鄱陽 馬端臨 貴與 著

經籍考

集

龍雲集三十二卷附錄一卷

陳氏曰。著作佐郎廬陵劉弇。偉明撰。元豐進士。紹聖詞科。曾慥詩選。以比石敏。若非其倫也。龍雲。安福鄉名。弇所居也。

周平園序略曰。廬陵自歐陽文忠公。以文章續韓文公正傳。遂為本朝儒宗。繼之者。龍雲劉公。文忠

文獻通考

卷二百三十八

文獻通考 卷三百三十八
薨於穎。公方冠。不及從之游。然斯文未喪。何害其
為韓門籍湜也。先是汴京及麻沙刻公集二十五
卷。紹興初。會昌尉羅良弼。徧求別本。增至三十二
卷。凡六百三十餘篇。予嘗論公之文。如南郊賦。氣
格近先漢。已為秦陵簡擢詩書序記。徃徃祖述韓
柳間。或似之。銘誌豐腴。規摹文忠。讀者可以自見
其才學出處。具載李彥弼誌銘。羅氏跋語云

東觀餘論三卷

陳氏曰。秘書郎。昭武黃伯思。思長睿。撰伯思。右丞黃
履之孫。吳園張根之壻。於李忠定。綱為中外襟袂
故忠定誌其墓。伯思。元符庚辰進士。年四十而死
好古博雅。喜神仙家言。自號雲林子。別字霄賓。有
集一百卷。此書止法帖刊誤。及序跋古書畫器物。
故名餘論

北湖集十卷。長短句一卷

陳氏曰。直秘閣。知虢州。富川吳則禮。子副撰。其父
中復。以孫抃薦為御史。不求識面臺官者也。中復
弟。幾復。嗣復。子。立禮。及嗣復。子。審禮。皆登科有名
譽。則禮以父澤入仕。晚居豫章。號北湖居士

劉左史集四卷

文獻通考 卷三百三十八
陳氏曰。起居郎永嘉劉安節。元承撰。與從弟安上皆嘗事二程。同遊太學。號二劉。安節元符三年進士。爲察官左史。晚知宣州以沒。

箕穎集二十卷

陳氏曰。穎昌曹組。元寵撰。組本與兄緯有聲太學。亦能詩文。而以滑稽下俚之詞行於世得名。良可惜也。謝克家任伯爲集序。其子勛跋其後。略見其出處。蓋宣和三年始登第。郊禮進祥光賦。有旨換武階兼閣職。詔中書召試。仍給事殿中。未幾而卒。然集中有謝及第啓。自敘云。蚤預諸生。竟叨右列。則未第之前。已在西班。未知何以也。曾慥詩選云。六舉不第。宣和中。詔赴廷試。賜第啓中。所謂特舉。孱微。許從俊造。慥之言良是。序跋不著其實爾。

夷白堂小集二十卷。別集三卷。

陳氏曰。考功員外郎括蒼鮑慎由。欽止撰。元祐初。以任子試吏部銓第一。復登六年進士乙科。甫脫選。卽爲郎。然自是數坐累官竟不進。其父粹始居吳。故葬於吳興。

青溪集十卷。附錄一卷。

陳氏曰。楚州教授臨川汪革。信民撰。紹聖四年。試

禮部第一。遂登甲科。蔡京當國。召爲宗子博士。力辭不就。年才四十卒。呂原明志其墓。晁以道爲詞以哀之。革嘗有言曰。咬得菜根。則萬事可做。誠名言也。

玉谿集二十二卷

陳氏曰。左司員外郎。永嘉倪濤。巨濟撰。其父始徙居廣德。濤。大觀三年進士。燕山之後。誦言其非以沮軍。罷謫衡州。茶陵以死。年三十九。呂居仁志其墓。曾吉父爲作集序。

竹隱騎士集四十卷

陳氏曰。右文殿修撰。韋成趙鼎臣。承之撰。元祐甲科。紹聖宏詞。又自號葦溪翁。其孫綱立。刊于復州。本百二十卷。刊止四十卷。而代去遂止。

後湖集十卷

陳氏曰。丹陽蘇庠。養直撰。其父堅伯固。亦有詩名。庠以遺澤畀其子。而自放江湖間。東坡見其清江曲。大愛之。由是得名。僧祖可正平。號瀨可者。其弟也。庠中子扶亦工詩。有清苦之節。庠紳之後。頌之族。

劉給事集五卷

陳氏曰。給事中劉安上。元禮撰。紹聖四年登第。歷臺諫。掖垣鎖闥。以次對歷三郡而終。集中有彈蔡

東疏

章貢集二十卷

陳氏曰。秘書監李朴。先之撰。紹聖元年進士。坐言隆祐之賢。廢三十年。蔡京欲強致之。不屈。其教授西京國子監也。程伊川與之甚厚。然謂其太直。以洛中風波爲戒。朴笑曰。不意此言發於先生之口。伊川爲之改容愧謝。其風節可畏也。

呂吉甫集二十卷

晁氏曰。呂惠卿。字吉甫。閩人。王安石執政。擢參知政事。元祐初。謫知福州。紹聖後。累領藩鎮。有莊子解。爲文長於表奏。

後村劉氏曰。考亭論荆公東坡門人。寧取呂吉甫而不取秦少游輩。其說以爲吉甫猶看經書。求游翰墨而已。孫鴻慶序其文。謂辭嚴義密。追古作者。

李淇水集八十卷

陳氏曰。門下侍郎大名李清臣。韓魏公壻。治平二年。年中制科。歐陽公愛其文。以比蘇軾。其爲人亦寬博有度。而趣時嗜權利。首主紹述之論。意規宰相。

亦卒不如其志

張無盡集三十二卷

晁氏曰。張商英。字天覺。登第調官。陝路章惇察訪。巴蜀風采傾動西南峽中。部使者憂之。日夕謀所以待之之禮。曲盡。因求辯博之士。以備燕談。或以天覺姓名告。因檄召至夔州。惇既至。杯酒間。果以人材爲問。部使者卽言之。惇令召入。天覺不冠服。峩中長揖。徑就坐左。惇負氣敢大言。天覺輒吐言壓之。惇大喜。歸而薦于朝。由是召用。元祐中爲開封府推官。出使河東。紹聖初。擢御史。大觀四年。長

星。見蔡京罷相。乃拜右僕射。盡反京之政。召用元祐遷客。天下翕然歸重。暮年去位。靖康初。遂與司馬溫公。范文正公。同日降制。加贈官爵。賜謚文忠。

臨漢隱居集二十卷

晁氏曰。魏泰。字通輔。襄陽人。曾布子宣之妻弟。幼爽邁。能屬文。嘗從徐禧。晚節卜隱漢上。人頗言其倚子宣之勢。爲鄉里患。苦云。

梅文安集十五卷

陳氏曰。戶部尚書。浦江梅執禮。和勝撰。執禮死於靖康之禍。人固哀其不幸。而不知吳革趙子昉之

文獻通考 卷二百三十八
謀。執禮實主之。事既泄。范瓊殺革。徐秉哲以子昉
遺虜。虜知執禮。預謀以根括金銀爲罪。問誰爲長
官。意在執禮也。安扶恐其坐之。進曰。皆長官也。遂
俱死。文安者。所封開國縣也。

李忠愍集十二卷

陳氏曰。吏部侍郎。臨洛李若水。清卿撰。後二卷爲
附錄。其死事時。才三十五歲。本名若冰。以靖康出
使。改今名。詩文雖不多。而詩有風度。文有氣槩。足
以知其所存矣。

傅忠肅集三卷

陳氏曰。待制濟源傅察。公晦撰。堯俞從孫也。宣和
七年。以吏部郎接伴虜使。虜人入寇。使人不來。爲
虜驅去。幹商不脅使拜不屈。見殺。

周平園序。其集謂公文務。體要辭約。而理盡。甚類
獻簡。詩尤溫純。該貫。間次險韻。愈多而愈工。

歐陽修撰集六卷

陳氏曰。崇仁布衣。贈秘閣修撰。歐陽徹。德明撰。徹
歿年三十一。環溪吳沆。哀其詩爲飄然集三卷。而
會稽胡衍晉遠。取其所上三書併刻之。臨川倅廨

丁永州集三卷

陳氏曰。知永州吳興。丁注。葆光撰。元豐中。余中榜進士。喜爲歌詞。世所傳催雪無悶及重午慶清明。皆有承平閑雅氣象。有女適樂清令。富春李素見素。實先妣之大父母也。

演山集六十卷

陳氏曰。端明殿學士。延平黃裳。勉仲撰。元豐二年。進士第一人。貴顯於崇觀。死於建炎。年八十七。方三舍法行。裳謂宜近不宜遠。宜少不宜老。宜富不宜貧。不如祖宗科舉之制。世傳以爲口實。

梁漢集一百二十卷

陳氏曰。丞相忠定公。昭武李綱。伯紀撰。父夔進士起家。至右文殿修撰。黃右丞履之甥也。綱娶吳園先生張根之女。亦右丞外孫。梁溪名集者。修撰葬錫山。忠定嘗廬墓云。

襄陵集二十四卷

陳氏曰。尚書右丞。襄陵許翰。崧老撰。元祐三年進士。靖康初。入西府。建炎爲丞轄。與黃潛善輩不合而去。

橫塘集三十卷

陳氏曰。尚書右丞。瑞安許景衡。少伊撰。亦嘗從程

氏學。建炎初。爲執政。與汪黃不合。罷。建議渡江。幸建康。言者以爲非是。及下還京之詔。景衡憂卒于瓜州。未幾。虜騎奄至維揚。倉卒南渡。

呂忠穆集十五卷

陳氏曰。丞相濟南呂頤浩。无直撰。後三卷。爲燕魏雜記古今事。卷末言金人亂華始末甚詳。

忠正德文集十卷

陳氏曰。丞相聞喜趙鼎。无鎮撰。四字高廟所賜。宸翰中語也。

周平園序略曰。公爲中丞。上語范宗尹云。鼎在言路。極舉職。所言四十事。已施行三十六。蓋祖宗初除言事官。卽置簿載所言事目。多寡當否。已行卽朱銷其下。外庭未必知也。旣入相。虜震合淝。決策親征。慮無遺策。蓋公氣節端方。學術純正。筆力又過人。凡處分軍國機務。多其視草。然後御劄付外。惟德與文。又孰加此。

龜山集二十八卷

陳氏曰。工部侍郎延平楊時。中立撰。時及從明道。歿。當建炎四年。年八十七。於程門最爲壽考。

尹和靖集一卷。附集一卷。

陳氏曰。徽猷閣待制。河南尹。煇彥明撰。子漸之。孫年十九。舉進士。策問欲誅元祐黨。籍不對而出。遂罷舉。靖康。賜號和靖處士。虜陷洛陽。闔門遇害。死而復蘇。門人潛載以逃。客涪州。以范元長薦入經筵。擢列侍從。葬會稽山。

胡文定公武夷集十五卷

陳氏曰。給事中。崇安胡安國。康侯。撰。紹聖四年。進士第三人。仕四十年。實歷不及三載。著春秋傳行於世。本喜爲文。後篤志於學。乃不復作。其辭召試曰。少習藝文。不稱語妙。晚捐華藻。纔取理明。既覺昨非。更無餘習。故其文集止此。

致堂序略曰。惟鄒魯之學。由秦漢隋唐。莫有傳授其間。名世大儒。僅如佛家者流。所謂戒律。講論之宗而已。至於言外傳心。直超佛地。則未見其人。是以聖道不絕如綫。口筆衮衮。異乎身踐。有書徒存。猶無書也。逮及我宋。熙寧以來。先覺傑出。上繼回軻。天下英材。心悅而誠服。然後孔氏述業。浸以光顯。五經語孟所載。譬如逢春之木。有本之瀾。生意流形。初非歿質。成已成物。始終有序。先臣夙稟大志。聞而知之。以仁爲居。以義爲用。以身修家。齊國

治天下平爲効。若夫記誦訓詁，辯說詞華之習，不一與焉。其宏綱大用，奧義微詞，旣於筆削之書，發揮底蘊，自餘因事有作。進則陳之君父，退則語於公卿。或酬酢朋游，或訓教子弟。一言一話，猶足以證明明往。昔昭迪來今，敢圖家藏，遂上御府。斯文不墜，後裔有榮。然父書精深，而臣以粗淺之言，冠于篇首。君學高遠，而臣以卑近之論，瀆于聰明。茲榮也，祇所以爲愧歟。

朱子語錄曰：胡文定公文字皆實，但奏議每件引春秋，亦有無其事而遷就之者。大抵朝廷文字，且要論事情利害是非，令分曉。今人多先引故事，如論青苗，只是東坡兄弟說得有精神。他人皆說從別處去。

默堂集二十卷

陳氏曰：宗正少卿延平陳淵，知默撰，一字幾叟。了翁之姪孫，楊龜山門人。紹興初，嘗爲諫官。

致堂斐然集三十卷

陳氏曰：禮部侍郎胡寅，明仲撰，文定公長子也。本其兄弟，初生棄不舉，文定收育之。旣長，俾自絕於本生，不爲心喪，止服世父之服。寅遵行之。集中有

與秦丞相書。言之甚詳。人倫之變。古今所未有也。
寅宣和進士。紹興初。已爲從官。不主和議。秦檜本
與其父子有契分。竟謫新州。檜死北歸。沒於岳州。
五峰集五卷

陳氏曰。右承務郎胡宏。仁仲。撰文定季子不出仕。
篤意理學。南軒張栻其門人也。別本不分卷。

王履道初寮集十卷。內制十八卷。外制十卷。

晁氏曰。王安中。字履道。真定人。政和中有密薦于
上者。自監大明倉。累擢掌內外制。後拜太保。鎮燕
山。建炎初。貶象州。爲文瓌奇高妙。最長於制誥。李

邴入翰林。嘗請於上。以方今詞林之式。上首尾舉
安中之名。自號初寮。

陳氏曰。安中年十四。薦于鄉。凡四舉。乃登第。爲中
司。受旨攻蔡京。京子攸入禁中。日夕泣涕。告於上。
安中亟改翰苑。事遂止。其自政府。出守燕京。父子
排之也。然安中之進。亦本由梁師成。始東坡帥定
武。安中未弱冠。猶及師事焉。未卒業而坡去。其後
晁以道爲無極令。安中旣第。修邑子禮。用長牋。自
言以新學竊一第。爲親榮。非其志也。以道曰。爲學
當謹初。何患不遠到。安中築室。榜曰初寮。其議論

聞見多得於以道。既貴顯。遂諱晁學。但稱成州使君四丈。無復先生之號矣。甚哉籍湜不畔之難也。雲龕李氏序略曰。本朝承五季之後。楊劉之學。盛于一時。其裁割纂組之工極矣。石介憤然以楊公破碎聖人之道。爲世巨害。著論排之甚力。然當時文宗鉅儒。司翰墨之職者。亦必循本朝故事。如近世張公安道高簡粹純。王公禹玉。溫潤典裁。无公庫之精麗穩密。蘇東坡先生。雄深秀偉。皆制詞之傑然者。譬之王良造父。策驥驟而騁康莊。一日千里。而節以和鑿。馳之蟻封。亦必中度。豈能彼而不能此哉。初寮先生。大保王公。自布衣以文稱天下。由東觀入掖垣。由烏府登鼇禁。皆天下第一選。司內外制者累年。其所製體大而義嚴。事覈而旨深。奇而不失正。雄而不爲夸。褒勲勞。則有帶礪丹青之信。施霈宥。則有雨露涵濡之澤。文治平。則祥極乎鳳麟。申戒飾。則誠著乎金石。嘉武節。則毅乎虓虎之威。美文德。則昭乎藻火之華。極其致。盖與本朝三數公。不相上下。而馳驟乎燕許常揚之域。若不以體製拘之。駸駸乎漢氏矣。盖公天才英邁。筆力有餘。於文於詩。皆瓌奇高妙。無所不能。故出爲

世用者如此。自徽宗皇帝卽位以來。擅制誥之美者公一人而已。得不謂一代之奇文歟。

周平園序略曰。公年二十有七。游五臺爲竹林泉賦。以將相喻泉石。格高而意新。送某贈大父詩云。不論與汝小一月。政自容君數百人。專用吾宗公瑾伯仁事。致推尊年德之意。精切混成。不類少作。時方諱言蘇學。而公已潛啓其秘鑰。久之。徽宗旁求文士。召寘館閣。給札親試。驟掌書命。由中司入北門。歷二轄。其制誥表章詩文。大率雅重溫潤。而時發秀傑之語。定功繼伐等碑。睿謨曲宴百韻詩。

多出特命。上恩與天通矣。萬目睽睽。徒謂其鶴鳴九臯。而不知奪胎換骨自有仙手。故未嘗以曲學指之。今前集四十卷是也。中興南渡。四海名勝。遷謫避地。卒于湖廣。而公壻趙奇子辟章。又家之游夏。大篇短章。更唱迭和。旣已盡發平昔之所蘊。且復躬閱事物之變。益以江山之助。心與境會。意隨辭達。韻遇險而反夷。事積故而逾新。他人瞠乎其後。我乃綽有餘裕。至如桂柳佛寺諸記。閎深辯麗。近坡暮年之作。黃張晁秦旣沒。系文統接墜緒。誰出公右。豈止襲其裳。佩其環而已。今後集十卷。是

也

汪彥章浮溪集六十卷

陳氏曰。翰林學士。婺源汪藻。彥章撰。四六偶儷之文。起於齊梁。歷隋唐之世。表章詔誥多用之。然今狐楚李商隱之流。是爲能者。殊不工也。本朝楊劉諸名公。猶未變唐體。至歐蘇始以博學富文。爲大篇長句。敘事達意。無艱難牽強之態。而王荆公尤深厚爾雅。儷語之工。昔所未有。紹聖後置詞科。習者益衆。格律精嚴。一字不苟。錯若浮溪。尤其集大成者也。

孫鴻慶序言。其文貫穿百氏。網羅舊聞。文從字順。體製亦渾然不見刻畫。如金鍾大鏞。叩之輒應。當大典冊。深淳雅健。追配古作。所謂常揚燕許諸人。皆莫及也。

石林總集一百卷年譜一卷

陳氏曰。尚書左丞。吳郡葉夢得。少蘊撰。紹聖四年。進士。崇觀間驟貴顯。三十一歲掌外制。次年遂入翰林中廢。至建炎乃執政。然才數日而罷。平生所歷州鎮皆有能聲。胡文定安國嘗以其蔡頴南京之政薦于朝。謂不當以宿累廢。晚兩帥金陵。當元

未臨江移三山平羣寇其功不可沒也秦檜秉政欲令帥蜀辭不行忤檜意以崇慶節度使致仕其居在下山奇石森列藏書數萬卷既沒守者不謹屋與書俱燼於火石林二字本出楚辭天問

石林建康集十卷

陳氏曰皆帥建康時詩文其初以所莅官各爲一集後其家編次總而合之此集其一也

石林審是集八卷

陳氏曰其門人盛光祖子紹所錄亦已入總集

翟忠惠集三十卷

陳氏曰叅政丹陽翟汝文公撰汝文制誥古雅多用全句氣格渾厚近世罕及夫人邢氏恕之女居實其弟也長子耆季實邢出好古博文高尚不仕忠惠者私謚也

鴻慶集四十二卷

陳氏曰戶部尚書晉陵孫覲仲益撰大觀三年進士政和四年詞科代高麗謝賜燕樂表膾炙人口生元豐辛酉卒乾道己丑益年八十九可謂耆宿矣而其平生出處至不足道也嘗提舉鴻慶宮故以名集

文獻通考 卷二百五十八
周平園序略曰。公軼羣邁往。賦才獨異。而復天假之年。磨淬鍛煉。重之以湖山之助。名章雋語。少而成。壯而盈。晚而愈精。靖康時爲執法詞臣。其章疏制誥表奏。往往如陸敬輿。明辯駿發。每一篇出世。爭傳誦。老年爲論議。次對親爲謝表啓。各出新意。用事屬詞。少壯所不逮。

綦北海集六十卷

陳氏曰。翰林學士。北海綦密禮。叔厚撰。工於四六。秦檜初罷相。密禮當制。有御筆詞頭藏其家。檜再相。下台州追索。時密禮已死。幸不及禍。

龔草堂後集二十六卷

陳氏曰。叅政鉅野李邴。漢老撰。明受之變。以兵部侍郎直學士院。叱責亮渠。朝廷賴焉。旣復辟。首擢執政。周益公作神道碑。言前後集一百卷。今惟後集。蓋皆南渡後所作也。朱文公爲之序。漢老樂靜。右史之姪。五世祖濤。五代時宰相。石晉之亂。弟澣在翰林。陷於虜。及邴立節於建炎。而弟鄴守會稽。亦隨金人北去。世以爲異。

龜溪集十二卷

陳氏曰。知樞密院。忠敏吳興沈與求。必先撰。建炎

紹興之間歷三院翰苑以至執政嘗奏言王安石之罪大者在於取楊雄馮道當時學者惟知有安石喪亂之際甘心從僞無仗節死義之風實安石倡之此論前未之及也紹興七年終于位

陳參政簡齋集二十卷

晁氏曰陳與義字去非汝州葉縣人中進士第宣和中徽宗見其所賦墨梅詩喜之遂登冊府建炎中掌內外制拜參知政事以卒晚年詩尤工周葵得其家所藏五百餘篇刊行之號簡齋集

陳氏曰去非其先蓋蜀人東坡所傳陳希亮公弼

者其曾祖也崇觀間尚王氏經學風雅幾廢絕而去非獨以詩名中興後遂顯用

後村劉氏曰元祐後詩人迭起一種則波瀾富而句律疎一種則煅煉精而情性遠要之不出蘇黃

二體而已及簡齋出始以老杜爲師墨梅之類尚是少作建炎以後避地湖嶠行路萬里詩益奇壯

元日云後飲屠蘇驚已老長乘舴艋竟安歸除夕云多事鬢毛隨節換盡情燈火向人明記宣靖事

云東南鬼火成何事終待胡鋒作爭臣謂方臘不能爲患直待粘岳陽樓云登臨吳蜀橫分地徙倚湖山欲暮

時又云。乾坤萬事集雙鬢。臣子一謫今五年。聞德音云。自古安危關政事。隨時憂喜到樵漁。五言云。泊舟華容縣。湖水終夜明。淒然不能寐。左右菰蒲聲。窮途事多違。勝處心亦驚。三更營火鬧。萬里天河橫。腐儒憂平世。况復值甲兵。終焉無寸策。白髮滿頭生。造次不忘憂。愛以簡嚴掃繁縟。以雄渾代尖巧。第其品格。當在諸家之上。

捫膝先生文集

尚書郎三嵎喻汝礪撰。後溪劉氏序略曰。靖康之難。虜議立僞楚以絕民望。先生捫其膝曰。此膝豈可屈哉。即日挂冠神武門。遂自號捫膝居士。由是名重海內。先生之於學。不古不好。於文不古不嗜。於事不古不愜。故其於名節。不古不止也。既沒六十年。而文集始出。嗚呼。此豈如時。花侯禽可悅。一時耳目之比。宜其愈久而愈難泯也。蓋先生之文。一字不肯苟於下筆。每篇率能馳騁上下。濤起阜湧。力有餘而氣不竭。辭既工於理與事。又欲明白而深切。其得無傳乎。

昭德晁公文集六十卷

侍郎晁公武子止撰。後溪劉氏序略曰。國家丙午

之變。中原衣冠不南渡則西入于蜀。其入于蜀者有能言當時理亂興喪之由。而明乎得失之跡。歷歷道往事。誦京洛之遺風者鮮矣。藉令有之。而能達之乎文辭。可使耳目尚接乎。而後之人有傳焉者亦又鮮焉。昭德晁公蓋能言當時理亂興喪之由。而明乎得失之跡。道往事。誦遺風。而又能達之乎文辭以傳者也。其經事之多。嘗艱之久而學日益強。文日益力。猶以爲未足。其荅進士劉興宗書曰。僕少時貫穿羣書。出入百氏。旁逮釋老恢詭之學。一再終星。其勤亦至矣。亡得焉。反而求之六藝。似於道有見也。乃願師董仲舒。心竒賈生。而病其雜也。則公之學可覩矣。

宇文蕭愨公文集

贈開府儀同三司宇文虛中撰。後溪劉氏序略曰。公羈絕域者十五年。而朝廷悉發其家人北去。後四年。父子謀覺。而闔門被禍矣。公弟兄早以才奮。皆致位二府。公之文章。又最見稱於當世。余讀其爲館職時。所與開封尹論事書。而壯之。使充是書。以徃。足以追古人而並駕。公旣亟見用於尚文之日。潤色太平。黼藻休烈。則余其所謂繫一時所遇。

而作。非公之所欲充而不已者也。故公荅曾晦之書云。僕長而游太學。爲科舉所使。及得一官。又屢爲應制代言之文。皆非得已而爲者。去歲得罪。杜門于此。閑取篋中書史。臥而讀之。日盡數卷。乃知古人之未嘗爲文也。惟其無意於爲文。而遇事乃言。則其優游舒泰。奮迅豪蕩。蓋無施而不可。昔嘗謂西漢制詔。妙絕於无成間。而章疏奏對。至谷子雲而工極無以復加矣。迨今思之。則不然。惟高帝立長沙王。令諸吏善遇高爵。及省賦舉賢等詔。吊唐孝文賜匈奴單于書。楚王信以下上尊號。相國何等議天子所服。此等數篇。卓然渾成。非司馬相如王褒輩。冥搜巧繪所能至也。公之此書。至論古之人成德爲行。隱然出處之大致。亦非有意於其間。又觀所與趙慶長論文書。亦曰。不若清明廖邈之爲愈也。挺臣欲表出其先大父之文。卽二書所言。余又何加焉。

杜起莘文集

殿中侍御史杜莘老。起莘撰。後溪劉氏序略曰。公學術之正。文辭之典。氣節之剛。與王公龜齡大略相似。而公奮起孤遠。爲尤難。余嘗得公奏疏而讀

之其言五穀藥石也。公卒四十餘年。余守眉陽。又得公他文閱之。嘆曰。善哉。窮之言達之行也。今年又得公經論千餘篇。信乎公之學得於孟子者歟。世益降士之爲文益浮噫。無復斯文也已。

兩山老文集二十四卷

豫章胡直孺。少汲撰。紹興中。仕至刑部尚書。孫鴻慶序略曰。公少工於詩。語出驚人。魯直一見。擊節嘆賞。指示佳處數十語。表而出之。他文稱是筆力雄贍。所爲賦頌表啓記序銘贊之屬。蓋數萬言。如行雲流水。自然成文。

胡承公集十卷。資古紹志集十卷

晁氏曰。胡世將。字承公。中進士科。早受知晁無咎。建炎南渡。嘗直學士院。終於資政殿學士。川陝宣撫使。爲文敏贍溫雅。掌書命類有能聲。喜聚金石刻。效歐公集古錄。爲資古紹志集。序云。以成其先人之志。故以紹志目其書。

陳氏曰。文恭公宿之曾孫。以兵部侍郎爲川陝副宣。金虜敗盟。繼吳玠之後。經畫守禦。以迄和議再成。分疆未定。死於河池。世將好古博雅。有資紹志錄。效集古錄。跋尾亦見集中。謚忠獻。

邵氏集二十卷

晁氏曰邵溥字澤民進士第靖康初為戶部侍郎上踐祚以例貶官紹興中復待制宣撫川陝師事崇福十二父詩文早有能聲入之志姑以附志目其書

陵效涸公集古詩為資古詩志集其云以如其夫無與為文始觀此集掌書命酌許翁喜舉金石數炎南鄭嘗直學士許絲效資姬嫵學士川刺宣吳丹曰附世雜字承公中舉士極早受映晁無咎附承公集十卷資古詩志集十卷

文獻通考卷二百三十九

鄱陽馬端臨貴與著

經籍考

集

空青遺文十卷

陳氏曰直寶文閣曾紆公卷撰紆布之子有異材建中靖國初布在相位奉詔為景靈西宮碑紆之筆也建炎紹興之際將漕江浙入為司農少卿知信衢州以卒汪彥章志其墓孫仲益序其文王銍性之其壻也

孫鴻慶序公文章。固守家法而學詩以母夫人魯國魏氏爲師。句法清麗絕去刀尺。有古詩之風。黃魯直遷宜州。道出零陵。得公江越書事二小詩。書團扇上。諸詩人莫能辯也。

先公序略曰。余自誦涪翁扶藜對蘚之吟。曲阜把卷臨燈之句。固已慕用公表才章之盛。顧前修日遠。自乾淳諸老文字。猶多遺落。况過江前後間乎。一日西泉吳太史爲言。此吾鄉空青公也。有集藏千家。余惟空青公子弟起家文章。繼世潛迹於家君柄用之時。繾綣於諸賢流落之後。未幾滅跡毀

廬。相隨入黨。迄天地重開。迨能以三朝正論。暴白於世。視同時諸貴公子孫。所謂繼志述事者。其爲人賢不肖何如也。昔石林葉公。以親見楊雄。美其詩以新樣。元和評其書以三世風流。頌其父近世李鴈湖。亦謂人惡雋異俗疵。文雅如空青諸人。雖不偶於一時。而文采爛然。垂後著世。不能掩也。今其遺文如魯殿秦碑。見者珍惜。自可孤行於南豐曲阜之後云。

北山小集四十卷

陳氏曰。中書舍人信安程俱。致道撰。俱父祖世科。

而俱乃以外祖鄧涓甫蔭入仕。宣和中賜上舍出身。爲南宮舍人。紹興初入西掖。徐俯爲諫大夫。封還詞頭罷去後。以次對修史。病不能赴而卒。

石林葉氏序略曰。余居吳始識致道。見其學問風節卓然。有不獨見於其文者。卽爲移書當路。并上其文數十篇。宰相見而驚曰。今之韓退之也。亟召見政事堂。其後二十四年間卒。登侍從。爲天子掌制命。文章擅一時。今觀其文精確深遠。議論皆本仁義。而經緯錯綜之際。則在止明。班孟堅之用意也。至於詩章。兼得唐中葉以後名士衆體。晚而在

朝。雖不久遇。所建明尤偉。蓋其爲人剛介。自信擇於理者明。所行寧失之隘。不肯少貶以從物。是以善類皆相與推先。惟恐失之。雖有不樂之者。亦不敢秋毫加疵病。信乎直道之不終屈也。

陵陽集五十卷

陳氏曰。中書舍人。仙井韓駒子蒼撰。自幼能詩。黃太史稱其超軼絕塵。蘓文定以比儲光羲。游太學不第。政和初獻書。召試出身。後入西掖。坐蘓氏鄉黨曲學罷。

丹陽集四十二卷。後集四十二卷

陳氏曰。顯謨閣待制。江陰葛勝仲。魯卿撰。紹聖四年進士。元符三年。詞科。洪慶善序其文。有所謂絕郭天信。拒朱勔。慙盛章。而怒李彥者。蓋其平生出處之略也。再知湖州。後遂家焉。

孫鴻慶序略曰。公中宏詞第一。時天子輯瑞。應蒐講。彌文報禮。上下四方。以符瑞來告者。不可勝數。大臣表賀。皆出公手。環奇英麗。獨步一時。公卿交譽。屢遷擢。大司丞。遂躋法從。

毘陵集五十卷

陳氏曰。參政文清。毘陵張守。全真撰。一字子同。崇

寧進士詞科。紹興執政。張魏公在相位。薦秦檜再用。守有力焉。一日與魏公言。某誤公聽。今朝夕同班列。得欵曲。其人似以曩者一跌為戒。有患失心。宜自劾謝上。魏公為作墓誌。著其語。

張章簡華陽集四十卷

陳氏曰。參政金壇張綱。彥正撰。大觀中。舍法三中。首選釋褐。為承事郎。辟雍正。蓋專於新學者。紹興初。在瑣闥。忤張俊。求去。復與秦際。遂引年。秦亡。乃召用。乾道初年八十四而終。自號華陽老人。華陽者。茅山也。

非有齋類稿五十卷

陳氏曰。給事中吳興劉一止。行簡撰。宣和三年進士。居瑣闥僅百餘日。忤秦檜罷云。閑居十餘年。以次對致仕。檜死被召力辭。進雜學士而終。年八十二。實紹興庚辰。

竹西集十卷。西垣集五卷。

陳氏曰。兵部侍郎維揚王居士剛中撰。宣和三年進士。紹興初入詞掖。西垣集者。制草及繳章也。其篇目凡繳章。皆云封還詞頭。蓋其子孫編次者之失也。除授則有詞頭。政刑庶事何詞頭之有。

張巨山集三十卷

陳氏曰。中書舍人光化張嶠。巨山撰。嶠爲司勳郎官。金人再取河南。秦相皇恐上章引伊尹善無常主。及周任不能者止之文以自解。嶠之用也。秦德之。遂擢修注掌制。而其具稿倉卒。誤以伊尹告太甲爲告湯。及周任之言爲孔子自言。時秘書省寓傳法寺。有書其門曰。周任爲孔聖。太甲作成湯。秦疑諸館職爲之多被通。然嶠亦以荅檜三折肱之語。謂其貳於已。無幾亦罷。

默成居士集十五卷

文獻通考 卷三百二十九 三
陳氏曰。中書舍人潘良貴子賤撰。一字義榮。剛介之士也。朱侍講序其集略。見其出處大致。

朱子序略曰。公自宣和初爲博士。則已不肯托昏富貴之家。而獨嘗論斥大臣蒙蔽之姦。及爲館職。又不肯游蔡京父子門。使淮南。又不肯與中官同燕席。靖康召對。因論時宰何臬。唐恪不可用。恐誤國事。以是謫去。不旋踵而言果驗。建炎初。召爲右司諫。首論亂臣逆黨當用重典。以正邦法。壯國威。且及當時用事者姦邪之狀。大爲汪黃所忌。書奏三日而左遷以去。紹興入爲都司。又忤時相以歸。

復爲左史。直前奏事。明大公至正之道。服喪還朝。又以廷叱奏事官而忤者以去。自是之後。秦檜擅朝。則公遂廢於家而不復起矣。然公平生廉介自持。自少至老。出入三朝。而前後在官不過八百六十餘日。所居僅庇風雨。郭外無尺寸之田。經界法行。獨以丘墓之寄。輸帛數尺而已。其清苦貧約。蓋有人所不堪者。而處之超然。未嘗少屈於檜。其子熺。暴起鼎貴。勢傾內外。亦未嘗與通問也。嘗誦君子三戒之言。而深以志得之規。痛自儆飾。至於造次之間。一言一行。凡所以接朋友。教子弟。亦未嘗

不以孝弟忠敬節儉正直防微謹獨之意爲本。其讀書磨鏡之喻切中學者之病。當世蓋多傳之而所論汲長孺。蓋寬饒之爲人。尤足以見其志之所存也。嗚呼。若公之清明直諒。確然亡慾。其真可謂剛毅而近仁矣。夫以三代之時。聖人之世。而夫子已歎剛者之不可見。况於百世之下。幸有如公者焉。而不得少申其志以沒。其條奏草稿。有補於時。可爲後法者。又以公自焚削而不復存。其平生之言。頗可見者。獨有賦詠筆札之餘。數十百篇而已。後之君子。蓋將由此以論公之事。其可使之沒沒無傳而遂已乎。

筠溪集二十四卷

陳氏曰。戶部侍郎。連江李彌遠。似之撰。大觀三年。上舍第一。知冀州。能抗金賊。攝江東帥。與忠定平周德之亂。晚爲從官。沮和議。坐廢而終。

鄱陽集十卷

陳氏曰。徽猷閣直學士。鄱陽洪皓。光弼。換。皓奉使金虜。守節不屈。既歸。爲秦所忌。謫英州。死之日。與秦適相先後。三子登詞科。俱顯貴。

東窓集四十卷

陳氏曰。中書舍人。鄱陽張廣彥實撰。與呂居仁爲詩友。其在西掖。當紹興十一年。

雲溪集略八卷

陳氏曰。汝陰王銍性之撰。國初周易博士昭素之後也。其父莘樂道。嘗從歐公學。銍爲曾紆塔。嘗撰七朝國史。紹興初。常同子正薦之。詔視秩史。官給札奏御。會秦氏柄國。中止。書竟不傳。其子明清著

揮麈錄

竹軒雜著十五卷

陳氏曰。太常少卿永嘉林季仲懿成撰。以趙元鎮

入朝。奏疏沮和議得罪。仲熊叔豹季狸其弟也。皆知名。

北山集三十卷

陳氏曰。端明殿學士金華鄭剛中。事仲撰。紹興二年亞魁。受知秦相。使川陝。後忤意。貶死封州。

澹菴集七十八卷

陳氏曰。端明殿學士忠簡廬陵胡銍。邦衡撰。建炎甲科第五人。既上書乞斬秦檜。謫嶺海。秦死得歸。孝宗卽位。始復官召用。又以沮再和之議得罪去。乾道中。入爲丞郎。亦不容於時。奉祠。至淳熙七年。

乃終七十九

平園周氏跋曰。胡忠簡公詩。有不可及者三。用事搏而精。下語豪而華。一也。士子投獻。必用韻酬答。雖百韻亦然。愈多而愈工。二也。此篇和王君行簡。時年七十五。長歌小楷。與四五十人無異。三也。誠齋序先生之文。肖其爲人。議論閎以挺。其記序古以馴。其代言典而嚴。其書事約而悉。其爲詩。蓋自詆斥時宰。誕置嶺海。愁狃酸骨。饑蛟血牙。風呻雨喟。濤譎波詭。有非人間世之所堪耐者。不介於心。而反昌其詩。視李杜夜郎夔子之音。蓋加恢奇云。

至於騷詞。涵茫蘄萃。鉢剝刻屈。抉天之幽。洩神之瘦。稿癯而不瘁。恫愀而不懟。自宋玉而下。不論也。

李文簡公集一百二十卷

敷文閣學士丹稜李燾。仁父撰。水心集序曰。自有文字以來。名世數十。大抵以筆勢縱放。凌厲馳騁。爲極功。風霆怒而江河流。六驥調而入音和。春輝秋明。而海澄嶽靜也。高者自能。餘則勉而効之矣。雖然。此韓愈所謂下逮莊騷。其上無是也。觀公大篇詳而正。短語簡而法。初未嘗藻黼琢鏤。以媚俗爲意。曾點之瑟。方希化人之酒。欲清。又非以聲色

文獻通考 卷三百三十九
臭味自怡悅也。獨於古文墜學堂上之議。起虞造周如。挈裘領振之焉。固遺其下而獨至其上者歟。蜀自三蘇死。公父子兄弟後起。兼方合流以就家學。綜練古今。名實之際。有補于世。天下傳以繼蘇氏云。

沈子壽文集

水心集序曰。吳興沈子壽。少入太學。名聞四方。仕四十餘年。絀於王官。再入郡。三佐帥幕。公私憔悴。而子壽老矣。然其平生業。嗜文字。若性命在身。非外物也。甲乙自著累百千首。嗚呼。何其勤且多也。

余後學也。不足以識子壽之文。其不爲音險。而理富精切。自然新美。使讀之者。如設芳醴珍殽。足飲饜食。而無醉飽之失也。又能融釋衆疑。兼趨空寂。讀者不惟醉飽而已。又當消愠忘憂。心舒意閑。而自以爲有得於斯文也。觀其開闔疾徐之間。旁觀而橫陳。逸鷲而高翔。蓋宗廟朝廷之文。非自娛於幽遠淡泊者也。

徐斯遠文集

水心集序曰。斯遠盡平生文。僅二十餘首。首輒精善。疑其親自料揀。應留者止此爾。徐觀筆墨輕重。

以十一歛藏千百。雖鋪寫縱放。亦無怠惰剝落之態。迷流陡起。體勢各成。殆非精揀所能致也。詩險而肆。對面崖壑。咫尺千里。操舍自命。不限常律。慶曆嘉祐以來。天下以杜甫爲師。始黜唐人之學。而江西宗派章焉。然而格有高下。技有工拙。趣有淺深。材有大小。以夫汗漫廣莫。徒枵然從之。而不足充其所求。曾不如脰鳴吻呖。出豪芒之奇。可以運轉而無極也。故近歲學者。已復稍趨於唐。而獲焉曷若斯遠。淹玩衆作。凌暴偃蹇。情瘦而意潤。貌枯而神澤。既能下陋唐人。方於宗派。斯又過之。斯遠有物外不移之好。負山林沉痾之疾。而師友學問。小心抑畏。異方名聞之士。未嘗不遐嘆長想。千里而同席也。初渡江時。上饒號稱賢俊。所聚義理之宅。如漢許下。晉會稽焉。風流幾泯。議論將絕。斯遠與趙昌父。韓仲止。扶植遺緒。固窮一節。難合而易忤。視榮利如土梗。以文達志。爲後生法。凡此皆強爲善者之所宜知也。

相山集二十六卷

陳氏曰。朝奉大夫。濡須王之道。彥猷撰。宣和六年。兄弟三人同登科。建炎寇亂。率衆保明。避山從之。

文獻通考 卷三百三十九
者皆得免。以功改京官。沮和議得罪。晚年歷麾節。其子蘭被遇。卑陵貴顯。

革齋小集十二卷

陳氏曰。吏部員外郎。新安朱松。喬年撰。侍講。文公之父也。文公嘗言。革齋先生。自爲兒童時。出語已驚人。及去塲屋。始致意爲詩文。其詩初亦不事彫飾。而天然秀發。格律閑暇。超然有出塵寰之趣。

剛博士集二十卷

陳氏曰。太學博士。錢塘關注。子東撰。紹興五年進士。嘗爲湖州教授。自號香巖居士。

石月老人集三十五卷

陳氏曰。朝議大夫。致仕鄱陽余安行。勉仲撰。安行累舉不第。其子應求。以童子登崇寧五年進士科。爲御史。歷麾節。所至迎養其父。至九十六乃終。著書號臣言。蓋純篤之士也。

王著作集四卷

陳氏曰。著作郎。福清王蘋。信伯撰。從程門學。以趙忠簡薦。召對。賜出身。秦檜惡之。會其族子坐法。牽連文致。奪官以死。

屏山集二十卷

陳氏曰。趙判興化軍。崇安劉子暈。彥冲撰。父韜。兄子羽。子暈。以蔭入仕。年甫四十八而卒。朱文公其門人也。嘗謂朱曰。吾少聞佛老之說。歸讀吾書。然後知吾道之大。體用之全如此。於易得入德之門。爲作復齋銘。聖傳論。可以見吾志矣。

東溪集二十卷

陳氏曰。迪功郎漳浦高登。彥先撰。考試潮州策問。忤秦相謫死。

水心葉氏序略曰。君高遠獨出。無拘留泥滓間。意學已成。謂當直施用。不曲步捷行。以漸巧取之。論說必窮盡。欲砥時陋。扶世壞文。不爲扶疎茂好。惟自根極而成者。無不具也。故不得志於科舉。至轉富入貧。本業微析。終不動心。一以溪山雲月爲家。宅筆墨簡策爲情性。常覃研竟。曰。孔顏不如是也。

緡經堂集八卷

陳氏曰。知盱台軍。東平畢良史。少董撰。文簡公士安五世孫。嘗陷虜。有從之游者。因爲圖名。緡經。寫其訪問。紬繹之狀。

三近齋餘錄

朝奉郎知信州王從正夫撰。從文正公五世孫。有詩文四百八十餘篇。自題三近齋餘錄。楊誠齋序略曰。其詩如落木森猶力。寒山淡欲無。如地迥高樓目。天寒故國心。如涼風回遠笛。暝色帶歸舟。如塵心依水淨。歸髮與山青。不減晚唐諸子。如墮藥盡。應輸燕子。懶寒猶及占梨花。如一番風雨催寒食。千里鶯花想故園。如身閑更得憑陵酒。花草殊非愛惜春。如秋生列岫雲。尤薄泉瀨懸崖路。更慳置之江西社中。何辯幽蘭云。臨春慘不舒。蓋國空自香。意不在蘭也。至於騷辭。如釣臺沐髮。乞巧悼亡等篇。出入遠游天問之海。頡頏幽通思玄之囿矣。及上前論事之文。皆卓然近用。又如盞餐豆肉之可以求飽。笥裳篚續之可以御冬。使其遇合功用。詎可量哉。紀之麤鄭之瓚。積而不讐。瘞而不起。久則光怪四出。貫日襲月。有不可揜者。惟不求知。所以不可掩也歟。

藥寮叢稿二十卷

陳氏曰。太常少卿上蔡謝伋。景思撰。參政克家之子。

水心葉氏序略曰。崇觀後文字散壞。相矜以浮肆。

文獻通考 卷三百三十九
於險膚無據之辭。苟以蕩心意。移耳目。取貴一時。雅道盡矣。謝公尚童子。脫巾髦。游太學。後筆湧出。排窄老蒼。而不能不受俗學薰染。自漢魏根底。齊梁波流。上遡經訓。旁涉傳記。門樞戶鑰。庭旅陛列。撥棄組繡。考擊金石。洗削纖巧。完補太樸。其藥園小畫記。蓋謝靈運山居之約言。志潔而稱物芳。無憂憤不堪之情也。

巖壑老人詩文一卷

陳氏曰。左朝請大夫。洛陽朱敦儒。希真撰。初以遺逸召用。嘗爲館職。旣挂冠。秦檜之孫塤。欲學爲詩。起希真爲鴻臚少卿。將使教之。

鶴溪集十二卷

陳氏曰。辟雍博士。青田陳汝錫。師予撰。紹聖四年。進士。持節數路。帥越而卒。青田登科人自汝錫始。希點子與其孫也。

岳武穆集十卷

陳氏曰。樞副鄴郡岳飛。鵬舉。撰飛功業偉矣。不必以集著也。世所傳誦。其賀和議成一表。當亦是幕客所爲。而意則出於岳也。

漢濱集六十卷

文獻通考 卷一百三十九
陳氏曰。參政襄陽王之望。瞻叔撰。周益公爲集序。序略曰。公生於羊杜成功之地。慕其爲人。博學能文。知略輻湊。學根於經。故有淵源。文適於用。故無枝葉。奏劄甚多。皆可行之。言內制雖少。得坦明之體。酷嗜吟詠。詞贍而理到。近世論文章事業。公實兼之。豈與夫一褊一曲之士。較短量長而已。

玉山翰林詞草五卷

陳氏曰。尚書玉山汪應辰。聖錫撰。紹興五年進士。首選本名洋。御筆改賜。天才甚高。而不喜爲文。謂不宜弊精神於無用。然每作輒過人。以天官兼翰

近二年。所撰制誥。溫雅典實。得王言體。朱晦翁稱爲近世第一。

太倉稊米集七十卷

陳氏曰。樞密編修宣城周紫芝。少隱撰。自號竹坡居士。

白蘋集四卷

陳氏曰。右文林郎。單父龐謙孺。祐甫撰。莊敏公籍之曾孫也。用季父恩。仕不遂而死。韓南潤志其墓。嘗客居吳興。故集名白蘋。

南潤甲乙稿七十卷

陳氏曰。吏部尚書。潁川韓元吉。無咎。撰門下侍郎。維之玄孫。與其從兄元龍。子雲。皆嘗試詞科不利。居廣信溪南。號南淵。

艇齋雜著一卷

陳氏曰。南豐曾季狸。裘父。撰。鞏之弟曰。湘潭主簿。宰。宰之孫曰。大理司直晦之。季狸其子也。多從呂。居仁。徐師川游。曾一試禮部不中。乾淳間。名公多。敬畏之。具見其子濉。所集師友尺牘。此篇蓋其議。論古今之文辭。質而義止。可以得其人之大略。

溪園集十卷

陳氏曰。蘄春吳億。大年。撰。其父擇仁爲尚書。億仕。至靜江。倅居餘干。有溪園佳勝。世傳其樓雪初消。詞爲建康帥晁謙之作。

于湖集四十卷

陳氏曰。中書舍人。歷陽張孝祥。安國。撰。甲戌冠多。士。出思陵親擢。秦相孫塤。旣居其下。秦忌惡之。以。他事下其父子大理獄。明年秦亡。上旣素眷。不五。年登法從。阜陵尤眷之。不幸不得年。死時才四十。餘。上常有用不盡之嘆。其文翰皆超逸。天才也。

南軒集三十卷

陳氏曰。侍講廣漢張栻。欽夫。撰魏忠獻公浚之長子。當孝宗朝。以任子不賜第。入西掖者韓元吉。劉孝遹。其入經筵。則栻也。

王司業集三十卷

陳氏曰。國子司業宛丘王遂。致君撰。建炎初。其家避狄泂汴南下。遂年十一。偶小泊登岸。虜適至。亟解維不暇顧。遂失之。在虜十年。間鬪得歸。其父工部尚書。保既歸。入太學。登癸未科。爲諫官御史。歷麾節。終於少司成。

周平園序略曰。公志氣強。學問博。其文章瞻而不失之泛。嚴而不失之拘。議論馳騁於數千百載之上。而究極利害於四方萬里之遠。其爲歌詩。慷慨憂時。而比興存焉。他文閎辯該貫。直欲措諸事業。所謂援古證今。黼黻其辭。特餘事耳。

浮山集十六卷

陳氏曰。左朝請大夫江都仲并。彌性撰。紹興壬子進士。晚丞光祿寺。得知蘄州。并嘗倅湖。籍中有所盼。爲作生朝青詞好事。傳誦之。遂漏露。坐謫官。其訓詞略曰。爾爲瀆侮之詞。曾不知畏天。其知畏吾法乎。吾鄉前輩。能道其事如此。

周平園序略曰。彌性自少卓犖。不羣。潛心問學。力
排王氏一偏之說。惟六藝孔孟是師。筆勢翩翩俊
聲籍甚。古律如王良造父。馭駿馬駕車。有犇軼絕
塵之勢。其賡險韻如篋抽絲。印印泥。愈出愈新。送
妹長篇。孝友慈愛。溢於言外。殆欲上規風雅。其四
六敘事。雖閎肆。而關鍵實密。對屬雖切。而非駢儷
所能拘。最後蘄州謝上表。以古文就今體。自成一
家。雜著題跋。清雅可愛。復以餘力。出入釋氏游戲
歌詞。無不過人。

小醜集十二卷續集三卷

陳氏曰。直秘閣眉山任盡言。元受撰。元符諫官伯
甫之孫。紹興從臣申先之子。甲科仕爲太常寺主
簿。終於閩憲。

楊誠齋序。謂其詩文孤峭而有風稜。雄健而有英
骨。忠慨而有義氣。蓋將與唐之貞元。元和。本朝之
慶曆。元祐諸公。並轡而先終。非近世陳陳相因果
累隨行之作也。

拙齋集二十二卷

陳氏曰。校書郎候官林之奇。少穎異。之奇學於呂
氏本中。而太史祖謙學於之奇。其登第當紹興辛

未年已四十。未幾卽入館。方鄉用而得未疾。
霜傑集三十卷。

陳氏曰。德興董穎仲達撰。紹興初人。從汪彥章。徐
師川游。彥章爲作序。

妙峰集四十卷。

陳氏曰。中書舍人。福清林逵述中撰。元符三年甲
科。苗劉之變。在西掖不失節。思陵嘉之。終龍圖直
學士。

鄧峰真隱漫錄五十卷。

陳氏曰。丞相文惠公。四明史浩直翁撰。

二十卷

陳氏曰。御史臨海李庚子長撰。諡之義術鬻也。市
人鬻物於市。誇號之曰。諡此三字。本出顏氏家訓。
以譏無才思。而流布醜拙者。以名其集。示謙也。庚
乙丑進士。以湯鵬舉薦辟入臺。家藏書甚富。

梯雲集二十五卷。

陳氏曰。中書舍人。資川趙達莊叔撰。辛未大魁。有
氣節。四十一歲卒。

海陵集三十二卷。

陳氏曰。同知密院。海陵周麟之茂振撰。乙丑進士。

文獻通考卷二百三十九
戊辰詞科。既執政。被命使虜。亮辭行。得罪去。

胡獻簡詞垣草四卷

陳氏曰。禮部尚書。會稽胡沂。周伯撰。

介菴集十卷

陳氏曰。左司郎官。趙彥端。德莊撰。乾淳間名士也。

嘗宰餘干。趙忠定其邑人。初冠多士。德莊在朝。往

謁謝。德莊語之曰。謹勿以一魁先置胸中。可謂名

言

文獻通考卷二百三十九

文獻通考卷二百四十一

鄱陽 馬端臨 貴與 著

經籍考

集

石湖集一百三十六卷

陳氏曰。參政吳郡范成大。至能撰。初以起居郎使

虜。附奏受書事。抗虜於其殿陛間。歸時益被上眷。

以至柄用。石湖在太湖之濱。姑蘇臺之下。去城十

餘里。面湖為堂。號鏡天閣。又一堂扁石湖二字。阜

陵宸翰也。今日就荒毀。更數年。恐無復遺跡矣。一

再過之爲之慨然。誠齋序其集曰：公訓誥具西漢之爾雅，賦篇有杜牧之之刻深，騷辭得楚人之幽遠，序山水則柳子厚，序任俠則太史遷。至於大篇決流，短章歛芒，緝而不釀，縮而不僭，清新嫵媚，奄有鮑謝，奔逸雋偉，窮追太伯，求其隻字之陳陳，一唱之嗚嗚而不可得也。今四海內詩人不過三四，而公皆過之，無不及者。予於詩，豈敢以千里畏人者，而於公獨歛衽焉。

周益公集二百卷，年譜一卷，附錄一卷。

陳氏曰：丞相益文忠公，廬陵周必大子，充撰一字弘道。其家既刊六一集，故此集編次，一切視其凡目。其間有奉詔錄、親征錄、龍飛錄、思陵錄，凡十一卷，以其多及時事，托言未刊，人莫之見。鄭子敬守吉，募工人印得之。余在莆田，借錄爲全書，然漫其數十處，益公自號平園叟。後村劉氏曰：平園晚作，益自磨礪，然散語終是洗滌詞科氣，習不盡。惟所撰林艾軒誌銘，極簡嚴有古意。

渭南集三十卷，劔南詩藁續藁八十七卷。

文獻通考 卷二百四十一
陳氏曰華文閣待制山陰陸游務觀撰左丞佃之
孫紹興末召對賜出身隆興初爲密院編修官鄉
用矣坐漏泄省中語阜陵以爲反覆斥遠之後以
夔倅入蜀益自放肆不護細行自號放翁在蜀九
年乃歸晚由嚴陵召爲南宮舍人將內禪周益公
薦其直北門上終不用及韓氏用事游旣挂冠久
久有幼子澤不逮爲侂胄作南園記起爲大蓬遂
以次對再致仕嘉定庚午年八十六而終游才甚
高幼爲曾吉父所賞識詩爲中興之冠他文亦佳
而語最富至萬餘篇古今未有故文與詩別行渭

南者封渭南縣伯

復齋製表二卷

陳氏曰刑部侍郎王秬嘉叟撰初寮安中之孫紹
興乾道間名士也陸放翁與之厚善

盤洲集八十卷

陳氏曰丞相文惠公鄱陽洪适景伯撰忠宣之長
子方奉使時文惠甫十三歲後與其弟遵同中壬
戌宏博科本名造後改焉又三年乙丑弟邁繼之
世號三洪其自淮東總領入爲太常少卿一年而
入右府又半年而拜相然在位僅三閱月爲林安

宅所攻而去。嘗一帥越。閉居十六年而終。
小隱集七十卷。

陳氏曰。樞密文安公洪遵景嚴撰。其進用最先於兄弟。而得年不永。薨於淳熙元年。

野處類藁二卷。

陳氏曰。翰林學士文敏公洪邁景盧撰。其全集未見。

誠齋集一百三十三卷。

陳氏曰。寶謨閣學士文節公廬陵楊萬里廷秀撰。當淳熙末為大蓬。論思陵配享不合去。及韓侂胄

用事。召之卒不至。自次對遷至學士。聞開禧出師。

不食而死。自作江湖集。序曰。予少作有詩千餘篇。

至紹興壬午皆焚之。大槩江西體也。今所存曰江

湖集者。蓋學后山及半山及唐人者也。

荆溪集序予之詩。始學江西諸君子。既又學后山

五字律。既又學半山老人七字絕句。晚乃學絕句

於唐人。學之愈力。作之愈寡。嘗與林謙之屢歎之。

謙之云。擇之之精。得之之艱。又欲作之之不寡乎。

之官荆溪。嘗以告曰。作詩忽若有寤。於是辭謝唐

人及工陳江西諸君子。皆不敢學而後欣如也。

文獻通考 卷三百四十一 四
南海集序。予好爲詩。初好之。既而厭之。紹興壬午。予詩始變。予乃喜。既而又厭之。至乾道庚寅。詩又變。淳熙丁酉。詩又變。時假守毘陵。友人尤延之云。子詩每變。每進。今老矣。未知能變否。能變矣。未知能進否。

程文簡集二十卷

陳氏曰。吏部尚書新安程大昌泰之撰。每卷分上下。其實四十卷也。博學長於考究。著述甚多。皆傳於世。

樵隱集十五卷

陳氏曰。信安毛开平仲撰。禮部尚書友之子。負才傲世。仕止州倅。與尤遂初厚善。臨終以書別之。囑以志墓。延之既爲銘。又序其集。

梁溪集五十卷

陳氏曰。禮部尚書錫山尤袤延之撰。家有遂初堂。藏書爲近世冠。

鄭景望集三十卷

陳氏曰。宗正少卿永嘉鄭伯熊景望撰。

歸愚翁集二十六卷

陳氏曰。秀州判官鄭伯英景元撰。近世永嘉學者。

推二鄭伯熊紹興乙丑進士自隆興初爲館職王府東宮官至少司成宗正卿用矣每小不合輒乞去卒於建寧守伯英癸未甲科第四人以親養三十年不調竟不出二人皆豪傑之士也

水心葉氏序曰余嘗嘆章蔡氏擅事秦檜終成之更五六十年閉塞經史滅絕理義天下以佞諛鄙淺成俗豈惟聖賢之常道隱民彝并喪矣於斯時也士能以古入源流前輩出處終始執守慨然力行爲後生率非瓌傑特起者乎吾永嘉二鄭公是已蓋長曰伯熊字景望季曰伯英字景元大鄭公

恂恂少而德成經爲人師深厚悃悃無一指不本於仁義無一言而不關於廊廟而景元俊健果決論事憤發思得其志則必欲盡洗紹聖以來弊政復還祖宗之舊非隨時默默苟爲祿仕者也景望徇道寂寞視退如進官至宗正少卿而止初景元中進士第四人少卿喜而笑曰子一日先我矣然旣任秀州判官遂以親辭終其身二十餘年不復仕朝廷亦卒不徵用何者諸公貴人知其才大氣剛中心畏之方以其自重不浪出無能害已爲幸而不暇以廢格科目摧折名士爲已責故也豈

不悲哉。自二鄭公後，儒豪接踵，而永嘉與爲多。然皆兄事景元，方其家居，得朋友通，共有無，並坐接席，不知歲月遷改。自謂如華胥至樂，故其講習，見聞尤精，而片辭半簡，必獨出肺腑，不規倣衆作也。夫孔翠鸞鳳，矜其華采，顧景自耀，爲世珍惜，是旣然矣。若夫蛟龍之興雲雨，則雷電皆至，震霽百里，豈區區然露小技，銜細巧而足哉。余懼覽者未察，因次其本末如左。

晦庵集一百卷紫陽年譜三卷

陳氏曰：侍講文公新安朱熹元晦撰年譜李方子

公晦所述其門人也

勉齋黃氏曰：周程張邵之書，所以繼孔孟道統之傳。歷時未久，微言大義，鬱而不章，爲之哀集發明，而後得以盛行於世。太極先天圖，精微廣博，不可涯涘，爲之解剥條畫，而後天地本原，聖賢蘊奧，不至於泯沒。程張門人，祖述其學，所得有淺深，所見有疏密。先生旣爲之區別，以悉取其所長，至或識見小偏，流於異端者，亦必研窮剖析，而不沒其所短。南軒張公、東萊呂公，同出其時，先生以其志同道合，樂與之友。至或見識少異，亦必講磨辯難，以

不悲哉。自二鄭公後，儒豪接踵，而永嘉與爲多。然皆兄事景元，方其家居，得朋友通，共有無，並坐接席，不知歲月遷改。自謂如華胥至樂，故其講習，見聞尤精，而片辭半簡，必獨出肺腑，不規倣衆作也。夫孔翠鸞鳳，矜其華采，顧景自耀，爲世珍惜，是旣然矣。若夫蛟龍之興雲雨，則雷電皆至，靈霽百里，豈區區然露小技，銜細巧而足哉。余懼覽者未察，因次其本末如左。

晦庵集一百卷紫陽年譜三卷

陳氏曰侍講文公新安朱熹元晦

下譜李方子

公晦所述其門人也

勉齋黃氏曰周程張邵之書所以繼孔孟道統之傳。歷時未久，微言大義鬱而不章。爲之哀集發明而後得以盛行於世。太極先天圖精微廣博不可涯涘，爲之解剥條畫而後天地本原聖賢蘊奧不。至於泯沒。程張門人祖述其學所得有淺深所見有疏密。先生旣爲之區別以悉取其所長。至或識見小偏流於異端者亦必研窮剖析而不沒其所短。南軒張公東萊呂公同出其時先生以其志同道合。樂與之友。至或見識少異亦必講磨辯難以

一其歸。至若求道而過者。病傳注誦習之煩。以爲不立文字。可以識心見性。不假脩爲。可以造道入德。守虛靈之識。而昧天理之真。借儒者之言。以文佛老之說。學者利其簡便。詆訾聖賢。捐棄經典。猖狂叫喚。側僻固陋。自以爲悟。立論愈下者。則又崇獎漢唐。比附三代。以便其計。功謀利之私。二說並立。高者陷於空無。下者溺於卑陋。其害豈淺淺哉。先生力排之。俾不至亂吾道。以惑天下。於是學者靡然向之。先生教人以大學論孟中庸爲入道之序。而後及諸經。以爲不先乎大學。則無以提綱挈領。而盡語孟之精微。不參之以論孟。則無以融會貫通。而極中庸之旨趣。然不會其極於中庸。則又何以建立大本。經綸大經。而讀天下之書。論天下之事哉。其於讀書也。又必使之辯其音釋。正其章句。玩其辭。求其意。研精覃思。以究其所難知。平心易氣。以聽其所自得。然爲已務實。辨別義利。毋自欺謹。其獨之戒。未嘗不三致意焉。蓋亦欲學者窮理反身。而持之以敬也。從游之士。迭誦所習。以質其疑。意有未諭。則委曲告之。而未嘗倦。問有未切。則反復戒之。而未嘗隱。務學篤則喜見於言。進道

難則憂形于色。講論經典。商略古今。率至夜半。雖
疾病支離。至諸生問辨。則脫然沉疴之去體。一日
不講學。則惕然常以爲憂。搢衣而來。遠自川蜀。文
詞之傳。流及海外。至於夷虜。亦知慕其道。竊問其
起居。窮鄉晚出。家蓄其書。私淑諸人者。不可勝數。
先生既沒。學者傳其書。信其道者益衆。亦足以見
理義之感於人者深矣。繼往聖將微之緒。啟前賢
未發之機。辨諸儒之得失。闢異端之訛繆。明天理
正人心。事業之大。又孰有加於此者。至若天文地
志。律曆兵機。亦皆洞究淵微。文詞字畫。騷人十士
疲精竭神。嘗病其難至。先生未嘗用意。而亦皆動
中規繩。可爲世法。是非資稟之異。學行之篤。安能
事事物物。各當其理。各造其極哉。學脩而道立。德
成而行尊。見之事業者。又如此。秦漢以來。迂儒曲
學。既皆不足以望其藩牆。而近代諸儒。有志乎孔
孟周程之學者。亦豈能以造其闔域哉。嗚呼。是殆
天所以相斯文焉。篤生哲人。以大斯道之傳也。

習庵集十二卷

陳氏曰。戶部侍郎曾逮仲躬撰。文清公幾之子。

東萊呂太史集十五卷。別集十六卷。外集五卷。附錄

三卷

陳氏曰。著作郎東萊呂祖謙伯恭撰。其弟祖儉編錄。凡家範尺牘之類。編之別集。策問宏詞。程文之類。總之外集。年譜遺事。則見附錄。太史曾文清外孫。隆興癸未。鎖廳甲科。宏詞亦入等。仕未達。得末疾。奉詞。年才四十五。卒於淳熙辛丑。平生著述。皆略舉端緒。未有成書者。學者惜之。

大愚叟集十一卷

陳氏曰。太府寺丞呂祖儉子約撰。祖謙弟也。慶元初。上封事。論救祭酒李祥。謫高安。以沒寓居大愚寺。故以名集。

千巖擇藁七卷外編三卷續編四卷

陳氏曰。知峽川三山蕭德藻東夫撰。嘗宰烏程。後遂家焉。楊誠齋序其集曰。近世詩人若范石湖之清新。尤梁溪之平淡。陸放翁之敷腴。蕭千巖之工致。皆余所畏也。

濟溪老人遺藁一卷

陳氏曰。通判明州濟源李迎彥將撰。永嘉周浮江先生之壻。與先大父爲襟袂。集中有送先君子赴戊子秋試詩。首句籍甚人言易已東。蓋先君治易

文獻通考 卷三百四十一
故也。集序周益公作。

沂庵集四十卷

陳氏曰。新津任淵子淵撰。紹興乙丑。類試第一人。仕至潼川憲。嘗註山谷后山詩行於世。新津有天社山。故稱天社任淵。

方舟集五十卷。後集二十卷。

陳氏曰。資陽李石知幾撰。石有盛名於蜀。少嘗客蘇符尚書家。紹興末為學官。乾道中為郎。歷麾節。皆以論罷。趙丞相雄。其鄉人也。素不善石。石以是晚益困。其自序云。宋雕魯倉。今猶古也。

愚集二十卷

陳氏曰。吏部侍郎葛立方常之撰。勝仲之子。丞相邨之父也。以郎官攝西掖。忤秦相得罪。更化召用。言者又以為附會沈該罷去。遂不復起。

綺川集十五卷

陳氏曰。太常寺主簿歸安倪偁文舉撰。紹興八年。進士齊齋之父。

象山集二十八卷

陳氏曰。知荆門軍金谿陸九淵子靜撰。與其兄九齡子壽。乾淳間名士也。象山貴溪結茅其上。與十

友講學。山形如象。故名。

朱子答項平父書曰。大概子思以來。教人之法。惟以尊德性。道問學。為用力之要。今子靜所說。專是尊德性。而熹平日所論。却是問學上多了。所以為彼學者。多持守可觀。而看得義理全不子細。又別說一種杜撰道理。遮蓋不肯放下。而熹自覺。雖於義理上。不敢亂說。却於緊要為己為人者。多不得力。今當逐身用力。去短集長。庶不墮一偏耳。又答孫敬甫書曰。陸氏之學。在近年一種浮淺。頗僻。議論中固自卓然。非其儔匹。其徒博習。亦有能

脩其身能治其家。以施之政事之間者。但其宗旨本自禪學中來。不可捨諱。當時若只如晁文元陳忠肅諸人。分明招認。著實受用。亦自有得力處。不必如此隱諱遮藏。改名換姓。欲以欺人。而人不可欺。徒以自欺。而自陷於不誠之域也。然在吾輩。須知其如此。而勿為所惑。若於吾學果有所見。則彼之言。釘釘膠粘。一切假合處。自然解拆破散。收拾不來矣。切勿與辨。以啓其紛拏不遜之論。而及為卞莊子所乘也。少時喜讀禪學文字。見杲老與張侍郎書云。左右既得此欄柄。入手便可改頭換面。

却用儒家言語。說向士夫。接引後來學者。其意大略如此。不能盡記其語。後見張公經解文字。一用此策。但其遮藏不密。線索漏處多。故讀者一見。便知其所自來。難以純自託於儒者。若近年則其爲術益精。爲說浸巧。拋閃出沒。頃刻萬變。而幾不可辯矣。然自明者觀之。亦見其徒爾自勞。而卒不足以欺人也。但果老之書。近見藏中印本。却無此語。疑是其徒已知此陋。而陰削去之。近得江西一後生書。有兩語云。瞋目扼腕而指本心。奮髯切齒而談端緒。此亦甚中其鄉學之病也。

淵源 袁氏集序曰。先生自始知學。講求大道。不得弗措。久而浸明。又久而大明。此心此理。貫通融會。美在其中。不勞外索。揭諸當世曰。學問之要。得其本心而已。心之本真。未嘗不善。有不善者。非其初然也。孟子嘗言之矣。向爲身死而不受。今爲宮室之美。妻妾之奉。所識窮乏。得我而爲之。此之謂失其本心。其言昭晰如是。而學者不能深信。謂道爲隱而不知其著。謂道爲邈而不知其近。求之愈過。道愈湮鬱。至先生始大發之。如指迷塗。如藥久病。迷者悟。病者愈。不越於日用之間。而本心在是矣。

文獻通考 卷二百四十一 十三
學者親承師訓。向也跂望聖賢。若千萬里之隔。乃今知與我同本。培之溉之。皆足以敷榮茂遂。豈不深可慶哉。嗚呼。先生之惠後學弘矣。先生之言率由中出。上而啓沃君心。下而切磨同志。又下而開曉黎庶。及其他雜然著述。皆此心也。儒釋之所以分。義利之所以別。剖析至精。如辯白黑。遏俗學之橫流。援天下於旣溺。吾道之統盟。不在茲乎。

林艾軒集二十卷

工部侍郎林光朝撰。後村劉氏序略曰。以言語文字行世。非先生意也。先生乾淳間大儒。國人師之。

朱文公於當世之學。間有異同。惟於先生加敬。然先生學力旣深。下筆簡嚴。高處逼檀弓穀梁。平處猶與韓並驅。在當時片簡隻字。人已貴重。今其存者。如岫嶼之碑。歧陽之鼓矣。先生歿六十年。微言散軼。復齋陳公某所序者。僅十之二三。外孫方之泰。討求哀拾。彙爲二十卷。勤於李漢趙德矣。

施正憲集六十七卷。外集三卷

陳氏曰。知樞密院廣信施師點。聖與擬。其在政府六年。上眷未衰。慨然勇退。引去不可回。識者壯其決。趙南塘汝談其壻也。爲序其集而傳之。

適齋類藁八卷

陳氏曰。奉新袁去華宣卿撰。紹興乙丑進士。改官知石首縣而卒。善爲歌詞。嘗賦長沙定王臺。見稱於張安國。爲書之。

梅溪集三十二卷。續集五卷

陳氏曰。詹事樂清王十朋龜齡撰。丁丑大魁。立朝剛正。劉珙作序。

劉氏集序略曰。公始以諸生對策。廷中。一日數萬言。被遇太上皇帝。親擢冠多士。取其言行之。及佐諸侯入冊府。事今上於初潛。又皆以忠言直節。有

所裨補。上亦雅敬信之。登極之初。卽召以爲侍御史。納用其說。公知上意。以必復土疆。必雪讐耻。爲已任。其所言者。莫非脩德行政。任賢討軍之實。而於分別邪正之際。尤致意焉。平居無所嗜好。顧喜爲詩。渾厚質直。懇惻條暢。如其爲人。不爲浮靡之文。論事取極已意。然其規模宏闊。骨骼開張。出入變化。俊偉神速。世之盡力於文字者。徃徃反不能及其他。片言半簡。雖或出於脫口。肆筆之餘。亦無不以仁義忠孝爲歸。而皆出於肺腑之誠。然非有所勉強慕劬而爲之也。蓋其所稟於天者。純乎陽

德剛明之氣。是以其心光明正大。舒暢洞達。無所
 隱蔽。而見於事業文章。一皆如此。海內有志之士。
 聞其名。誦其言。觀其行。而得其心。無不歛衽心服。
 至於小人。雖以一時趨向之殊。或敢巧為諂詆。然
 其極口。不過以為迂闊近名不切時務。至其大節
 之偉然者。則不能有以毫髮點污也。

酒隱集三卷

陳氏曰。宣州司理趙育去病撰。其父鼎臣承之。號
 竹隱畸士者也。

四六類藁三十卷

陳氏曰。起居郎建安熊克子復撰。皆四六應用之
 文也。亦無過人者。克以王丞相季海薦驟用。王時
 在樞府。趙溫叔當國。莫知其所從來。頗疑其由徑
 沮之上意向之。不能回也。

拙庵雜著三十卷。外集四卷

陳氏曰。工部侍郎東平趙礪老渭師撰。門下侍郎
 野之姪。以婦行。愆待制澤入任。從范石湖使
 虜。虞丞相并父亦薦之。遂擢用之。臨安。坐殿司。招
 兵事。謫饒州。

雙溪集二十卷

陳氏曰。知郴州東陽曹冠宗臣撰。由舍選登甲科。坐爲秦道。假手奪官。再赴廷試。得初品。

止齋集五十二卷

陳氏曰。中書舍人永嘉陳傅良君舉撰。三山本五十卷。

水心葉氏墓誌曰。初講城南茶院時。諸老先生傳科舉舊學。摩蕩鼓舞。受教者無異辭。公未三十。心思挺出。陳編宿說。披剝潰敗奇意。芽甲新語。懋長士蘇醒起立。駭未曾有。皆相號召。雷動從之。雖靡他師。亦籍名陳氏。田是其文。擅於當世。公不自喜。

去。獨崇敬鄭景望。薛士龍師友尊之。入太學。則張欽夫。呂伯恭。相視遇兄弟也。公之從鄭薛也。以克己兢畏爲主。敬德集義。於張公盡心焉。至古人經制三代治法。又與薛公反復論之。而呂公爲言本朝文獻相承。所以垂世立國者。然後學之內。外本末備矣。公猶不已。年經月緯。晝驗夜索。詢世舊繇。吏牘蒐斷。簡採異聞。一事一物。必稽於極。而後止。千載之上。珠貫而絃組之。若目見其身相旋其間。呂公以爲其長不獨在文字也。

三人其文慷慨有氣而以吏能顯故其文不章
趙忠定集十五卷奏議十五卷

陳氏曰丞相福公趙汝愚子直撰別本總爲一集
亦三十卷

鴈湖李氏書後丞相餘干趙公秉正履度卽之凜
然至形於篇章則思致清麗逸發雖古今能文辭
者有不逮而世頗鮮知者非繇德業之巨器能之
偉所以詞華見沒耶

龍川集四十卷外集四卷

陳氏曰永康陳亮全父撰少入太學嘗三上孝廟
書召詣政事堂宰相無弘度迄報罷後病免舉爲
癸丑進士第一未祿而卒所上書論本朝治體本
未源流一時諸賢未之及也亮才甚高而學駁其
與朱晦庵往返書所謂金銀銅鉄混爲一器者可
見矣平生不能詩外集皆長短句極不工而自負
以爲經綸之意具在是尤不可曉也葉正則未遇
時亮獨先識之後爲集序及跋皆含譏誚識者以
爲議

水心葉氏集序曰同甫文字行於世者酌古論陳
子課藁上皇帝三書最著者也子沆聚他作爲若

千卷以授予。初天子得同甫所上書，驚異累日，以爲絕出，使執政召問。當從何處下手，將由布衣徑唯諾殿上以定大事，何其盛也。然而詆訕交起，竟用空言羅織成罪，再入大理獄，幾歿。又何酷也。使同甫晚不登進士第，則世終以爲狠疾人矣。嗚呼。悲夫。同甫其果有罪於世乎？天乎。余知其無罪也。同甫其果無罪於世乎？世之好惡，未有不以情者。彼於同甫，何獨異哉。雖然，同甫爲德不爲怨，自厚而薄責人，則疑若以爲有罪焉可矣。同甫旣脩皇帝王霸之學，上下二千餘年，考其合散，發其祕藏，見聖賢之精微，常流行於事物。儒者失其指，故不足以開物成務。其說皆今人所未講。朱公元晦意有不與而不能奪也。呂公伯恭退居金華，同甫間往視之，極論至夜。呂公嘆曰：未可以世爲不能用。虎帥以聽，誰敢犯子。同甫亦頗慰意焉。余最鄙且鈍，同甫微言十不能解一二，獨以爲可教者，病耗十年，耗忘盡矣。今其遺文大抵班班具焉。覽者詳之而已。

軒山集十卷

陳氏曰：樞密使獻肅公，濡須王蘭謙仲撰，淳熙乙

文獻通考 卷三百四十一
未。駕幸太學。簡爲武學諭。在班列中。人物偉然。上一見奇之。自是擢用。不由邑最。徑爲察官。馴至執政。其在經帷論宮僚攀附而登輔佐者。挾數用術。道諛濟私。陳義凜然。嘉定以來。其子孫不敢求仕。亦不敢請謚。至端平乃得謚。

合齋集十六卷

陳氏曰。祕書少監。永嘉王構。木叔撰。乾道丙戌進士。在永嘉諸老最爲先登。其容貌偉然。襟韻灑然。雖不以文自鳴。而諸老皆推敬之。

兼山集四十卷

陳氏曰。端明殿學士。劔門黃裳。文叔撰。在嘉邸最久。備盡忠益。甲寅御極。未及大用。病不能朝。士論惜之。

攻愧集一百二十卷

陳氏曰。參政四明樓鑰。大防撰。隆興癸未。省試考作賦魁。以犯諱當黜。知舉洪文安遵奏。收寘宋甲首。

西山真氏集序曰。公之文如三辰五星。森麗天漢。昭昭乎其可觀。而不可窮。如泰華喬嶽。蓄泄雲雨。巖巖乎莫測。其顛際。如九江百川。波瀾蕩潏。淵淵。

乎不見其涯涘。人徒見其英華發外之盛，而不知其本有在也。公生於故家，接中朝文獻，博極羣書，識古文奇字，文備衆體，非他人窘狹僻澁，以一長名家，而又發之以忠孝，本之以仁義，其大典冊大議論，則世道之消長，學術之廢興，善類之離合，係焉。方淳紹間，鴻碩滿朝，每一奏篇出，其援據該洽，義理條達者，一詔令下，其詞氣雄渾，筆力雅健者，學士大夫讀之，必曰：樓公之文也。於乎，所謂有本者如是，非耶。

齊齋甲藁二十卷。乙藁十五卷。翰林前藁二十卷。後藁二卷。掖垣詞草二十卷。兼山論著三十卷。附錄五卷。年譜一卷。

陳氏曰：禮部尚書歸安倪思正父撰。丙戌進士。戊戌宏詞。受知阜陵。早登禁直。紹熙間，遂位法從。立朝剛介，不苟合。慶元嘉定，屢召屢出。嘗言與其爲有瑕執政，寧爲無瑕從官。由是名重天下。端平初，詔以先朝遺直，得謚文節。

靜安作具十四卷。別集十卷。

陳氏曰：清江徐得之思叔撰。與其子筠孟堅同甲辰進士。次子天麟仲祥，亦乙丑甲科。其家長於史。

學

晦巖集十二卷

陳氏曰。祕書丞鹽官沈清臣正卿撰。嘗爲國子錄。有薦於朝。欲得召試執政。有發笑者曰。安有張子蓋女壻而可爲館職者乎。遂罷。欲爲奇節以蓋之。會王希呂爲諫官。上書方言其不可。孝宗大怒。時相虞允文惡沈介。下清臣大理。風使引介不從。謫封州。晚乃召用。勸孝宗力行三年喪。爲翊善嘉邸。以直諒稱。初從張無垢學。後居雪川。自嶺南歸。開門受徒。動以聖賢自命。效禪門入室規式。與其徒

問荅。下語不弊。輒使再參。頗爲人所譏。

定齋集四十卷

陳氏曰。寶謨閣直學士蔡戡定夫撰。君謨四世孫。丙戌甲科。

小山雜著八卷

陳氏曰。知樞密院龍泉何澹自然撰。

東江集十卷

陳氏曰。丞相臨海謝深甫子肅撰。

慈溪甲藁二十卷

陳氏曰。寶謨閣直學士慈溪楊簡敬仲撰。

鈍齋集六十卷

陳氏曰。著作郎楊濟。濟道撰。淳熙五年進士。京鎗帥蜀。上已出遨。濟爲樂語。首云。三月三日。豈無水邊麗人。一觴一詠。亦有山陰禊事。又云。良辰美景。賞心樂事。四者難并。崇山峻嶺。脩竹茂林。羣賢畢至。一時傳誦。東爲相召入館權郎。出知果州以終。周氏山房集二十卷。後集二十卷。

陳氏曰。祕書省正字。吳郡周南。南仲撰。南有聲學。校庚戌登甲科而仕不偶。再入館再罷。以殿廷所授文林郎終焉。

水心葉氏墓誌曰。君耽書喜誦。出於天性。十五六時。視吳下問學止科舉心陋之。一往旬日已棄去。歲五易師。一易師爲傾動。相播告擯絕。旣從余初。若無所論質。已而耳改目化。氣竦神涌。古今事物。錯落高下。不以涯量。頓悟捷得。受之若驚。行之若疑。標樹山嶽之上。越軼風霆之外。故朋昔類。望塵不及。皆靡弛而逝矣。常以世道興廢爲己重負。一飯不顧私。憂時如家。憂人如身。人情多玩忽。見事君。悻心怛慮。覩緩知亟。考校小史。引坐深語。所知徃徃非人所能知也。文詞撥去今作。脫換騷雅。欲

以力自成家。而瓌麗精切。達於時用。亦非人所及也。端行拱立。尺寸程準。門內順穆。廉節整飾。自賜第授文林郎。終身不進官。兩爲館職數月止。旣絕意屏坐。衣食弊惡。雞鳴挾書。晝夜分皆憶念上口。數千載未了事。皆欲正定。名章偉著。皆欲銓品。異聞逸傳。皆欲論述。曰。此所以遺吾老。俟吾死也。

平庵悔藁十五卷。後編六卷。

陳氏曰。太府卿松陽項安世。平父。撰悔藁者。以語言得罪。悔不復爲也。自序當慶元丙辰。後編自丁巳至壬戌。

自序項子題所爲文藁曰。滑稽篇。客曰。是所謂文似相如。始類俳之意。非耶。曰。非也。世之人無貴賤。皆畏人笑。獨滑稽者不畏人笑。非獨不畏。且甚欲之。凡其貌服言動。皆欲得人之笑。人小笑之則小慙。大笑之則大慙。人不笑之則大愧。若予之爲文。亦若是耳。人之笑。予之藥也。人小笑之則予亾其小病矣。人大笑之則予亡其大病矣。人不笑之則予之病其危哉。是與滑稽之披。無以異也。客聞其說。觀其文。大笑。冠帶盡脫。項子赧然汗下。矍然神醒。曰。予病瘳矣。再拜謝客。書以爲序。

東平集二十七卷

陳氏曰。鞏豐仲至撰。淳熙甲辰進士。

水心墓誌略曰。時新迪義理之學。草茅士震於見聞。多矜露怵。至他文史言論。儒之藝業。又昧陋顛倒。莫知幅程。獨仲至抑縱開闔。條流品彙。應變不迫。富若素有。余本拙疎。不能自達。而仲至廣導曲引。出幽入眇。蓋爲之。黽勉追逐於荒原斷澗之側。數年。仲至日益有名。不幸不得用。然有以自負。命雲侶月跨越。汗漫浩乎不可挽。而余畏懼怯劣。常痼留一榻。不敢越戶限。然後知人之稟分。高下

絕殊。固非切磋誘掖。所能增長矣。仲至學敏而早成。自童丱時。前輩源緒。古今音節。事之因革。總統如注水千文之壑。迫前隨後。宿艾駭服。以爲積數十年燈火勤力。聚數十家師友講明。猶不能到也。其文無險怪華巧。而以理屈人。片詞半牘。皆清朗得言外趣。尤工爲詩。多至三千餘首。

三松集十八卷

陳氏曰。廬陵王子俊才。臣撰。周益公。楊誠齋客。以列薦補官。入蜀爲成都帥幕。

橫堂小集十卷

陳氏曰。右司郎中。福青林。桶子長撰。

潔齋集二十六卷。後集十二卷。

陳氏曰。禮部侍郎。四明袁燮和叔撰。

北山集略十卷。

陳氏曰。直龍圖閣。三山陳孔碩。膚仲撰。全集未傳。

育德堂外制集八卷。內制集三卷。

陳氏曰。兵部尚書。永嘉蔡幼學行之撰。成童穎異。

從同郡陳傳良君舉學。治春秋。年十七。試補上庠。

首選。陳反出其下。明年陳改用賦。冠監舉。而幼學

經魁。又明年。省闈先多士。而陳傳良亦為賦魁。一

時師弟子。雄視場屋。莫不歆羨。

水心葉氏墓誌曰。公雖幼以文顯。無浮巧輕豔之

作。既長。益務闡教化。養性情。花卉之炫麗。風露之

凄爽。不道也。詞命最溫厚。亦不自矜貴。惟於國史。

研貫專一。朱墨義類。刊閏齊整。各就書法。為續周

馬公卿百官表。年曆大事記。備志辨疑。編年政要。

列傳舉要等百餘篇。今代之完書也。天資凝重。危

坐竟日。或不通一詞。龍窟陳同甫。言吾嘗與陳君

舉。極論。往往擊柝案。聲撼林木。行之在旁。邈若無

聞。吾頗訥之。眾亦云。素無短長於間也。一日夜盡

散忽語吾道一爾奚皇帝王霸之云吾方辨數而
行。橫啓縱闔。援今證古。釐爲十百。聚爲一二。抵
夜接日。若懸江河。吾謝不能乃已。則復寡言。默默
如故。故雖並舍連榻。不知也。然則昔人謂得人眉
睫。定士於俄頃。亦豈盡然歟。蓋公之中深隱厚。可
驗於是矣。

止安集十八卷

陳氏曰。太府寺丞。三山陳振震亨撰。

丙山集五十六卷

陳氏曰。參政浦城真德秀希元撰。

平齋集三十二卷

陳氏曰。翰林學士。於潛洪咨夔舜俞撰。

退庵集十五卷

陳氏曰。提轄文思院。龍泉陳炳撰。

梅軒集十二卷

陳氏曰。奉化丞。山陰諸葛真仁叟撰。

遁思遺藁六卷。事監韻語三卷。

陳氏曰。永康呂皓子陽撰。遁思其庵名。後溪劉光
祖。德脩爲作記。當淳熙中。投匭救父兄之難。朝奏
上夕報可。一時非辜。盡得清脫。其書辭甚偉。然非

孝廟聖明。安能照覆盆之下哉。

劉汝一進卷十卷

陳氏曰。諫議大夫。吳興劉度汝一撰。度嘗應大科。此其所業也。策曰。傳言。論曰。鑑古。各二十五篇。

唯室兩漢論一卷

陳氏曰。吳郡陳長方齊之撰。紹興八年進士。

鼎論三卷。時議一卷

陳氏曰。三山何萬一之撰。隆興元年進士。仕爲都司。知漳州。

治述十卷

陳氏曰。從政郎鄭湜。紹熙元年撰。進按丙戌。榜右三山。鄭湜溥之。是年已爲祕書郎。面對劄子。剴切通練。于今傳誦。此當別是鄭湜耶。

廬山雜著一卷

陳氏曰。知南康軍錢聞詩撰。

閑靜治本論五卷。將論五卷

陳氏曰。知樞密院廣陵張巖肖翁撰。

林網山集

福清林亦之學可擬。後村劉氏序略曰。余嘗評艾軒高處。逼檀弓穀梁。平處猶與韓並驅。他人極力。

摹擬不見其峻潔而古奧者。惟見其寂寥而稀短者。縱使逼真。或可亂真。猶虎賁之似蔡邕也。至於綱山論著。句句字字足以明周公之志。得少林之髓矣。其律詩高妙者。絕類唐人。疑老師當避其鋒。他文稱是。

陳樂軒集

福清陳藻。无潔撰。後村劉氏序略曰。樂軒七十五乃死。年出於其師。而窮尤甚於其師。城中無片瓦。僑居福清縣之橫塘。開門授徒。不足自給。至浮游江湖。崎嶇嶺海。積鏹得百千。歸買田數畝。輒為人

去。士之窮無過於此矣。今讀其文。講學明理。浩乎自得。不汲汲於希世求合。螢窗雪案。猶宗廟百官也。菜羹脫粟。猶堂食萬錢也。入則果妻子耕織勤生務本。有拾穗之歌焉。出則與諸生弦誦。登山臨水。有舞雩之詠焉。自昔遺佚。阨窮之士。功名頓挫。時命齟齬。往往有感時觸事之作。以洩其無憯不平之鳴。若虞卿之愁。韓非之憤。墨翟之悲。梁鴻之噫。唐衢之哭。是已。樂軒平生。可愁。可憤。可悲。可噫。可哭之時多矣。而以樂自扁。樂之爲義。在孔門。惟許顏子。先儒教人。必令求顏氏之所樂。嗚呼。此

固樂軒之所聞於二師歟。樂軒沒二十餘年。余從
竹溪林侯肅翁傳抄遺藁。姑敘其平生大致如此。
肅翁又樂軒之高弟也。他日居魏文貞之地。秉陳
叔達之筆。當爲河汾先生立傳。無使天下後世有
遺恨云。

李易安集十二卷

晁氏曰。李格非之女。幼有才藻名。先嫁趙誠之。其
舅正夫相徽宗朝。李氏嘗獻詩曰。炙手可熱心可
寒。然無檢操。後適張汝舟。不終。晚節流落江湖間。
以卒。

閩秀集二卷

陳氏曰。建安徐氏撰。徐林稱山之從姑。祥符勅頭
真之姪孫女。嫁括蒼祝璣。璣爲部使者。有子曰永
之。嘗知滁州。

洪覺範筠溪集十卷

晁氏曰。僧惠洪覺範。姓喻氏。高安人。少孤。能緝文。
張天覺聞其名。請住峽州天寧寺。以爲今世融肇
也。未幾。坐累。民之及天覺當國。復度爲僧。易名德
洪。數延入府中。及天覺去位。制獄窮治其傳達言
語於郭大信。竄海南島上。後北歸。建炎中卒。著書

數萬言。如林間錄僧寶傳。冷齋夜話之類。皆行於世。然多夸誕。人莫之信云。

石門文宗禪三十卷


陳氏曰。洪覺範撰。其在釋門。得法於真淨克文。而於士大夫。則與黨人皆厚。善誦習。其文得罪不悔。為張商英。陳瓘。鄒浩。尤盡力。其文俊偉。不類浮屠語。韓駒子蒼為塔銘云爾。

饒德操集一卷

晁氏曰。饒節字德操。曾布之客也。性剛峻。晚與布論不合。因棄去。祝髮為浮屠。在襄漢間。聲望甚重。

云

陳氏曰。節為僧。號如璧。其詩名倚松集二卷。



文獻通考卷二百四十一終

文獻通考卷三百四十一

德操集

德操集

信云

德操集

德操集

陳氏曰洪

德操集

在釋門得法於真淨克文而

於士大夫則與黨人皆厚善誦習其文得罪不悔

為張商英陳瓘鄉誥尤盡力其文俊偉不類浮屠

語韓駒子蒼為塔銘云爾

德操集一卷

刺凡曰潛為曾觀破壁真指各尚林集二卷

云不今因棄去祝髮為浮屠者在襄陽間

